



六

校禮堂集 詩下



校禮堂詩集卷七

歙凌廷堪次仲撰

辛亥

過龍且鎮作

龍且鎮在海州南六十里。本魏龍且縣。案魏書地形

志。海州領郡六。注。劉子業置青州。武定七年。改治龍

且城。即龍且縣屬南齊書州郡志。青冀二州。僑置鬱

洲。元和郡縣志。後魏武定七年。改青冀二州為海州。

即魏書所云治龍且城者也。海州之名由是昉焉。高齊

文宣帝始移海州蓋斯土沿革之最大者。州志闕載。理琅邪今州治也



不學者遂妄指爲淮陰破楚之處亦可哂也
荒墟古名郡莽莽遺址平土屋百餘家誰識東彭城元
魏改青冀州始以海名龍且刺史治入齊方變更史紀
武定初伯起博且精此邦大沿革所係良非輕志乘旣
闕載湮沒誰爲明瑣瑣兔園叟不學逞臆行妄引破楚
事遠與濰水爭俗子多附會詎足煩譏評今春道出此
使我心怦怦故蹟不可見唯見春草生駐馬三歎息徘徊
空復情

沐河

茲水青州浸東南逕厚邱沙明橋外市波映郭邊樓神

禹未嘗導周官方見收環城耕鑿者賴此漑田疇

過宿遷

八年三過鍾吾驛都趁霜風打槳來今日騎驢春水外
綠楊門巷杏花開

楊莊集曉發

南斗方中夜向晨蒼茫斜月照青燐埋沙戰骨寒成魅
守穴妖狐闇化人樹得疾風喧似雨衣霑曉露細於塵
荒煙漠漠前村遠時聽鷓鴣語斷榛

符離

荒村傳是古符離德遠當年此潰師信使已通仍議戰

隆興更不及開禧

蒙城懷古

斗大荒城萬木中行人慨古思無窮尚餘斷鏃埋春雨
誰見殘碑紀戰功破堞草仍梁代綠廢屯花作晉時紅
姚襄侯景俱黃土剩有清澗日夜東

發澗水

春風濺濺澗水生日高打槳煙中行散金兩岸集晴蜨
碎錦一林藏曉鶯嵐光迢遞翡翠碧浪影澄澈玻璃明
乘流東下向前浦歸雁時時聞數聲

塗山懷古

在懷遠

有夏朝羣后塗山閱古今賦財三壤則玉帛萬邦臨乃
又敷寬政惟微辨道心小正端首歲大濩肇元音律已
惟恭儉貽謀戒色禽錫圭平水土鑄鼎象山林薄海均
耕作斯民免陸沉舟車兼橈楫癸甲復辛壬制怪安淮
甸驅神孽華陰經營壺口載疏鑿孟門深克豫筐惟幣
荆揚貢厥金平成千載績飢溺一身任稽古謨書大成
功帝曰欽黃熊郊配食黑牡禮居歆橘柚供籩豆梧桐
中瑟琴會稽封尚在岫嶼蹟難尋落日川原古春風草
木森蟻珠明別浦陽鳥度遙岑廢廟門常掩殘碑字半
侵遐思明德遠瞻望起長吟

泊臨淮關

跨水浮橋迴車徒絡繹行
估船鹽米貴關吏綺羅輕
浦溆春流滿檣帆夕照明
因思舊遊地晚泊武昌城

阻風五河縣

渺渺長淮天四圍石尤吹浪打征衣
燈前聽曲大魚出草際恐人飢
鵲飛濠濮微茫猶在望僧伽咫尺坐相違
高歌把酒篷牕底不及春鴻接翅歸

泗州僧伽塔近圯於水作詩紀之

昔者我讀退之集長句記送澄觀僧曰茲有塔三百尺
雕甍照水高峻嶒後來玉局亦云爾看山拾級丹梯登

通篇同矣

韓蘇紀載著歌咏古語鑿鑿寧無徵今年買舟泛淮水
片帆如席長風乘經過臨淮訪名蹟眺遠擬挂胡孫藤
浮屠咫尺望不見但見大浪來千層所聞乃至異所觀
得毋舊說皆夸矜榜人斂衽前致語此事信有非虛稱
自從長淮障成澤古塔久爲雲濤蒸巋然水面峙空濶
篙楫往往摩其稜閱年既深基漸圯一旦忽若懸崖崩
中藏小塔數千百隨風亂落如秋蠅至今遺址尚在水
睇視須待寒湖澄我聞此語長太息古來萬事有廢興
唐之元和宋元祐營造修葺驕才能想見當年庀木石
亦願浩劫常相承豈知距今未千載彈指何翅風中燈

邇來泗州亦遷徙。圖經乖異不足憑。題詩聊復記其事。
細書歲月留行勝。智珠在世倘不滅。客囊會見光芒騰。
物理羸縮等閒耳。舊貫尚可重。因仍僧伽靈異二公作。
或有好事輸繚繒。他年地志載始末。簡編應記吾遊曾。
蔣家壩

望洪澤湖

似帶長淮水。今成萬頃波。居民爭白浪。故道讓黃河。輸
運經過易隄防。利賴多頻年。秋信穩蒨屋。樂如何。

周家橋田家

春風籬角開。綠桃新蒲出水一尺高。鴨雛啜波藻荇亂。
晴流汨汨響桔槔。修鱗頰魚舉網得。長腰白米臨溪淘。
小姑入時巧莊束。青裘出自家機。縑嗟予十年苦奔走。
僕僕塵土堆征袍。中間燕趙宋魯衛。打面雪虐兼風饜。
不然盛夏五六月。江湖萬里乘輕舸。鯨鬚吹浪疾若矢。
蛟齒寄命織於毛。似茲好景見亦罕。仿佛圖畫來遊遨。
何時卜宅雜農圃。簑笠煙雨耕東臯。或言此地近淮堰。
一隄以外皆洪濤。秋霖咫尺失防守。頃刻婦子聞啼號。
求田問舍須擇土。胡棄萬鎰爭釐豪。論雖近理太深慮。

所見與我相訾警。區區得此復患彼。安得樂境容彼曹。
人生宇宙各有命。丈夫窮達任所遭。况今葑屋安猷猷。
仰荷

聖主勤憂勞。有腹但可卧。牛背有手但知持。蟹螯試思
舟車終歲出。何如錢鋪當春操。江鄉若獲田二頃。茅舍
日日傾村醪。

答張集堂明經卽書其明湖春泛圖後

疇昔游濟南。鼓棹歷下亭。渺渺半城水。倒映嵐光青。白
鷗意澹蕩。紅蕩花娉婷。別來三數年。時時夢煙汀。先生
飮經史。書劔窮四溟。六籍任疏鑿。萬景供使令。曾留齊

魯間。細訪金石銘。解纜鵲華橋。百頃春冥冥。笑我海上
居。寂莫影答形。胸東地卑下。濕氣生羣腥。蟻蝶撲面飛。
鼃黽不可聽。手卷終日卧。閉戶傾醪醅。一旦識君面。快
若沉酣醒。高寒古眉宇。肅穆舊典型。讀君贈我詩。齒頰
生芳馨。重帷雨冪冪。短几燈熒熒。促膝竟夜談。高屋水
建瓴。如在箏笛隊。咫尺聞雷霆。示我一幅圖。挂之八尺
屏。華山灤水上。不異身重經。把酒話舊游。共倒雙玉瓶。
聊借雪上爪。誌此波間萍。醉後題數語。曉色窺疎櫺。詩
成當息壤。無俟重丁寧。

壬子

題謝蘊山觀察種梅圖

昔游洪州歲丁未襍被十日留蘇潭是時日躡鶉尾次
梅信已過無由探潭上芙蓉一千柄覆錦繡段晴霞涵
主人好客忘勢分把臂入座容狂談人生從古重知己
期許過望心懷慚亭亭玉立兩公子殷勤勸我停征驂
此事回首三數載側身西望情空含前年先生膺
簡命持使者節來江南意中乃有賤子在不惜百里馳
瑤函昨來淮上復相見如寒得煖苦得甘官齋下榻晝
方永脫畧禮數夙所諧池上輕萍綠澹澹風外弱柳青
粼粼種梅之圖取示我香雪如海堆雲藍低低橫枝照

迤水離離瘦影浮遠嵐鳳毛森然露頭角階前寶樹今
成三長君岐疑日下鶴次君秀慧書中蟬裘師最小白
勝雪亦解背誦聲喃喃先生把卷坐其側似此樂事誰
能耽屬題數語志離合瓦釜敢與黃鐘參京華他日倘
重遇玉梅花下須沉酣

蘊山觀察以官齋種梅詩索和次韻四首

衙齋寂寞素琴橫手種梅花比玉清瘦影一枝春有跡
大河千里靜無聲滋培總屬經時意灌溉仍兼濟物情
用作和羹他日事莫辭霖雨答蒼生

樞黎疑若桂疑辛似此微酸最可人栽處好等高士伴

開時應現宰官身風回虛曠雲凝骨夜永空階雪借神
除却召棠清蔭在等閒草木敢爲鄰
若爲看去記揚州又綴寒香溯昔游剛愛橫斜籬畔路
最宜高下水邊樓踈枝自倩冰綃補密蕊須尋月斧修
此是歲寒松竹侶爭春桃杏漫悠悠
分得瑤臺第一花殷勤移植向官衙須知東閣行吟地
不比西冷處士家細雨足時應結子凍雷驚後早抽芽
新詩一樣留袁浦敢望重來護碧紗

題謝砥山明經藝蘭圖

猗猗秋蘭芳渺渺秋江深荷衣紉爲佩萬古騷人心先

生靜者流國香夙所欽九畹手自植日夕相招尋出處
豈殊轍契合無古今此意誰復會譜入白玉琴微颺襲
我袖朗月照我襟曲罷將折贈迢遞懷知音

絕句四首

自怯空疎論轉嚴儒林文苑豈能兼不聞盧駱王楊輩
樸學曾將孔賈嫌

蒙鳩繫葦本無根果是文雄學必醇信否昌黎見殷侑
尚慚不復比於人

明堂雅奏品原高牧笛隨風韻亦調何苦矜張村曲子
翻云勝得九成簫

四詩爲分山作

枕經昨史事無涯為報先生莫浪誇刪却強顏支飾語也應喚作小名家

寄壽翁覃溪師六十生日四首

四律皆清拔有奇
法與前句奇待如
此特言四未易得然
非尋常七不能如此
清切

春風函丈斗山尊十載從游得細論竊效皇熊申鄭義欣隨籍湜列韓門浮華務戒方為益微賤蒙知始是恩欲識淵源相接處長河萬里溯崑崙

宇內文章仰鉅公真儒詎與俗儒同遺經著錄洪丞相古學專門賈侍中字向六書尋正解禮從三傳得旁通遙知魯國諸生在疑義盈胸待折衷金石紛綸手自排曠然詩境此重開清如閬苑仙音奏

悟自華嚴法界來考證直躋歐趙上臨摹欲挽晉唐回即教餘事論風雅也讓先生一代才

中秋璧月正盈時僕指初周甲子期自著名山千古業人推薄海六經師傳家學術儒林重報

國清操

聖主知淮濟迢迢隔南北寸心應與尺書馳

蘊山觀察以公子益之崇之昆季常棣圖見示漫

書四首

比肩花下共怡怡矯若臨風玉兩枝會見文章與科第蘇家軾轍宋郊祁

披圖真羨二難并常棣花開照眼明敬以事兄榮覆弟
說詩應憶鄭康成

骨重神寒品自奇廟廊位置雅相宜未逢杜老驚人筆
誰賦徐卿二子詩

對牀風雨讀書聲雛鳳雙雙次第鳴他日慈恩書姓字
不知可許弟兄

王沛堂為予作小照賦此報謝

吾聞人心不同如其面一樣官骸形輒變君能具此大
神力頃刻豪端彈指見初如印印泥諦視不復殊豪釐
又如月照影酬答悠然發深省我本尋常行路人面目

十載多風塵愧非褒公鄂公貌下筆敢倩曹將軍王宰
不受相促迫解費丹青圖此容丈夫七尺軀堂堂好稱
鷺溪三百尺謂是山澤臞尚有豪氣生眉須謂是廊廟
宰寒瘦頭顱猶未改窮通紙上無遁形請君力與造化
爭畫作虎頭燕頤飛食肉顧盼頓使千人驚封侯自憐
骨相薄空過屠門還大嚼富貴功名本在天世間那有
揚州鶴早晚歸耕雲海峰一犁煙雨春濛濛敢云他日
功成後屏幃家家畫放翁

留別蘊山觀察即次見送元韻二首

袁江握手眼俱青高樹濃陰覆廣庭銷夏長宵同論古

退衙清晝共談經。卽今酒畔看華月。此後淮塢望使星。
屈指皖公山下路。好風千里送揚舲。

官齋匝月坐清幽。又唱驪歌古渡頭。不惜解囊憐舊雨。
那堪分袂正新秋。幸邀海內存知己。懶向天邊托蹇脩。
歸養只須田二頃。策名敢擬鳳麟洲。

胡豫堂先生予己酉鄉試座師也壬子八月始謁
見於江寧試院恭呈一律

三年前此受公知。遠道常憐負笈遲。今日門牆勞過賞。
他時衣鉢敢深期。檢心名節何須激。傳世文章不在奇。
轉盼春明重換杖。吳雲千里漫相思。

雞鳴寺

門掩蒼苔晚寂寥。松杉一逕冷蕭蕭。雲邊鶴鶴盤孤塔。
沙上精靈話六朝。登眺時增羈客感。幽尋不待故人招。
鄧芳圃孝廉梁臺齊堞俱黃土。祇有秋山綠未消。
約同游未果

龍江關阻風

大江西望浩無垠。高下檣帆泊水濱。斷岸風濤晴阻客。
叢祠歌舞晝娛神。晚來霞影紅成綺。秋到蘆花白似銀。
輸與郵亭津吏好。倚欄閒坐數行人。

蕪湖懷古

獬豸屬齒中原中。渡江五馬一馬龍。皇天不留祖士雅。

馬遂與王共天下。擁兵上游無不爲。忍呼嗣主爲鮮卑。
戴淵周顛懦夫耳。劉越石客真可兒。日光壓營紅濺濺。
夢中驚呼何太急。雨昏故壘老驥嘶。潮落空江古鼉泣。
傳觀道上七寶鞭。往事回首逾千年。可憐助教不解事。
誤把湖陰題作篇。嗚呼阿兄何愚弟何狡。首施觀望心。
了。了。事成其汝享富貴。不成門戶猶能保。後來蘇峻誇。
驍雄德望亦解推。此公直紹中庸胡伯始。不須故節覓。
安東。

板子磯

曉起推篷望前臨。板子磯將軍留戰壘。開土構禪扉。出

水崖千仞當風柳。十圍昔年經過地。山色尚依稀。

銅陵

山勢羣龍伏江聲。萬馬騰清秋。攜鐵笛。夜半過銅陵。似
雨磯頭浪如星。水際燈風長帆力飽會待曉來乘。

池州道中

峻嶒古塔枕江灣。如畫秋光爽客顏。臨水蕭疎荆浩樹。
繞城平遠郭熙山。烏犍眠草自高下。白鳥掠波時往還。
翹首九華何處是。舟人指點暮雲間。

安徽節署偕黃左田黃澹人張子白諸同年侍座
主朱石君師飲於菜根香軒聯句

同人快盍簪序齒試齧菜月藏秋中輪朱石君師星聚雪堂

背糝金桂粟零黃綻碧菊叢蔓掃徑開酒尊黃擘箋授

吟輦錦繡競鋪列凌廷丹青互藻續風辰和篋竿張若

霜令磨戈鏃江練射遙明石君山眉畫長黛不速三客

來是日凌仲子自海州至張子白自買勇兩軍對偏或

承以伍洙鼓豈衰於再已滋田園趣廷詎使老莊退芥

子眾妙涵若瓠實千金貨雁木擇材難石君馬指選義

礙懷新悅青葱鉞去陳撥蒙昧譬彼調尊羹洙當以鹽

鼓配有如治蔬畦廷母致耘鉏廢蘋蘩萃筐筥若芹茆

升薰鼎拔葵愧公儀石君薤草記小戴蒿邪馮諫傳鉞

蓬直荀論載菜蘚五味偏洙葑菲六利在凜茲置薤心

廷不改斷齋態道腴挹天漿若仙蓄發地肺肉食嗤班

君石君苻芎薦文妃微材費薪蒸鉞枯芟飫沆漑慚非

桃李姿洙幸緝蘭芷佩師門溯淵源廷講席荷津逮是

日日未晡若八月月將晦論心數年隔石君努力隨時

愛况復侍履約鉞何童依泰岱時陪下帷窺洙同作抱

甕漑聆論竊與元廷徵典并及內臚腹儉一字若蚌胎

含百琲詩成書八分聊倩阿買代時五姪錫田侍

皖城夜感

譙鼓沉沉夜未央夢回秋思滿匡牀風聲大似天邊雨

月色渾疑地上霜
姬氏禮儀原性命
漢朝經術卽文章
名山敢冀千秋業
此意何人可共商

石君師以重陽次日候題名錄詩見示次韻

迢遞南天榜未開
桂香消息隔塵埃
是非各自談三耳
眞僞鱸誰辯四顛
幾處霧中窺豹隱
何人雲外射雕來
江關學侶知多少
拭目爭看大將才

元作

朱珪

木樨香散菊香開
九點齊州馬蹴埃
幾路登雲排雁字
無邊吹海暴鯨顛
等閒袖手聽碁落
結習關心見獵來
漫詫蕊珠同鄭重
屈伸消息屬人才

○余忠宣公祠

碧血當年葬綠蕪
至今祠廟枕江孤
忠臣一樣封疆死
誰弔南臺福大夫

吳越王金塗佛塔歌石君師命作

金塗佛塔見題詠
厥初乃自周方泉
惟時吳越去未遠
軼事幾許猶流傳
自從竹垞考辯後
作者日益窮鑽研
旣云武肅復忠懿
附會膠執母乃偏
或據舊文日罕覩
或僅一片非其全
旁徵釋典證史事
摘藻爭賦煌煌篇
吾師舊藏出示我
觸手古色生雲煙
居平未覩眞面目
今日方到廬山巔
形模正方四隅銳
其色斑駁其質堅

校前堂詩集 卷一
銘曰宏俶乙卯歲字外淳樸中含妍乃知周氏本不誤
末學尚口吾羞焉詩篇班班具可按疏解聊作康成箋
天封乍開卽退聽此事豈在藝祖先護持孱主仗佛子
當屬朝宋歸來年至於功臣及納土更非武肅尤顯然
吁嗟食古尚未化妄擬高出前人前吟詩作賦競膜拜
諸佛齒冷旃檀天是時九月霜照砌籬菊斗大垂青蓮
習靜不落語言障觀空豈留文字禪中天寶月淨於水
回看塔影金輪圓

高淳憶詩人邢孟貞

鼓棹高淳縣湖光落吾手古岸風蕭蕭黃葉一尺厚細

水澄白沙瘦日照蒼阜不見吟詩人中流延佇久

。過溧陽張爨軒明府招飲座中閱順天鄉試錄知

鮑雙五何春林王畹馨管南英畢蘊山英煦齋

諸人獲雉喜賦

雙鯉南來滿座春遙看鷹隼出風塵漫愁才士無知己

更喜師門有替人煦齋爲德定
圃師嗣君雲外曾穿楊葉舊月中

爭折桂花新琴堂此夕燈前酒百罰深盃不厭頻

泊宜興

百頃湖光冷抱城微風乍起縠紋生秋高山色效眉色
夜靜櫓聲如雁聲

呂城懷古

孫吳事業草連空落日青山弔阿蒙豈有奇才終不學
可憐割據易成功指揮信足開荆土器識何妨亞魯公
我有風前一杯酒會臨赤壁酌英雄

次韻答張集堂孝廉見寄二首

溧陽城畔片帆忙佳問傳來氣倍揚真見連城酬結綠
何曾中坂失飛黃春風講席羅桃李夜雨吟窗感稻粱
屈指知心凡幾輩如君雅量詎能忘
數年海上共聞身同調相關誼更親史黜虛辭唯核實
經依舊訓不求新寒檠丙夜心無懈靈琰丁年識有因

集堂丙子鄉試祈籤范少伯祠有功名唾手向金門莫
之語已三十七年矣今科果出金聽濤侍郎之門
訝綢繆緣結習從來薑桂性俱辛

元作

海寧張光湜集堂

江干小住別匆忙回首吟鞭各自揚戟府筵開連黛
碧僧寮雨歇逐槐黃淩雲喜看鵝鸞翻君明春北上
補應廷試

于野甘謀雁鷺梁予未果計偕他日遺經參要義尺書寄

我莫輕忘予近得魏了翁儀禮要義
五十卷君方撰禮經釋例

久客思歸等乞身就荒松菊倍相親百年故物青氈

在七奕遺文手澤新予家自先高叔祖標登明崇正
己卯賢書自是科第相沿閱兩

周甲子安望鯢池希速化且休芋火問前因開編願
過半矣

卒諸生業此事惟君其苦辛

校禮堂詩集卷七

校禮堂詩集卷八

歛凌廷堪次仲撰

癸丑

○曉發小店集

雞鳴宿豫縣。日出角城戍。僕夫起秣馬。驅車向前路。隱隱沂上村。漠漠淮壖樹。緬彼南北朝。爭險各守固。荒屯但麻麥。故壘半烟霧。祇餘荷耒翁。田間時一遇。

沂州道中遇雨

纔放東風幾日晴。隨車又聽送寒聲。他年記取臨沂路。沒馬春泥冒雨行。

宿梁莊驛

昨日遇雨雨尚微今朝遇雨雨轉大
敝車犂碯雉登木
瘦馬凌競蟻旋磨遙青一桁遮忽斷濃綠半犁耕乍破
茫茫旅思置高閣且為三農酌酒賀

過公家城子

公家城子枕溪流野老迎人語不休
猶指柳邊遺址在
侍郎當日讀書樓 公之存集

去年秋牛四次原以詩見寄忽忽久未答途中無
事補成一律至都當示之也

青燈三載舊相親兒女英雄共此身
小宋必魁天下士

少陵常望眼中人學當同志無岐跡交到知心有宿因
早晚長安花滿路期君同看上林春

元作

天津牛坤 次原

聞說書來喜未真 時予望信甚切有持來札以要酒食者 子雲筆札費

殷勤 兩次書均未見 思君遠隔三千里知己曾無四五人唾

手功名誠快事等身著述不妨貧
明年穩泛新波漲
相見還須在早春

答次原詩既成因念及胡樹思孝廉阮伯元宮詹

復用人字韻再成二律

百戰文壇老斲輪淋漓大筆幹
千鈞胸中自具空羣識

眼底都無當意人對酒不忘吟館夜聽歌猶憶市樓春
青山豫定他年約雲海峰前好結鄰

弱冠翩翩侍從臣殿前作賦氣涵春位居鶴禁同三品
名列螭坳第一人著述自今傳益遠遭逢如此世無倫
應知官貴施行馬可許文章謁後塵

泰安道中

環溪沙路淨無塵巖壑重重望不分膚寸總含霖雨意
世間祇有泰山雲

道傍樹

離離道傍樹計高不盈丈車中睨視之乃出泰岱上區

區豈足爭崇卑狃於所近其識微始知僅以目前論天
下遂無真是非

張夏道中

朝來又踏亂山行打面風沙馬亦驚炬杖挂門茅店曉
鞭轡牽井菜畦晴春光半向途中過詩思都緣客裏生
多謝沿溪雙隻蝶為人辛苦記郵程

齊河卽事

山行五日得平川傍水人家附郭田古路多年深似壑
遠峰侵曉澹於煙墟邊齊女粧摹越馬上吳奴語效燕
欲覓舊題何處是壞牆黃土尚依然

大風發晏城

卷地驚沙散不收
風聲撼樹響颼颼
漫嫌下澤車行緩
穩似江湖萬斛舟

宿留智廟

風色緊淒淒
人家夕照西
饑鷹當路擊
倦馬望村嘶
土屋燈微露
茅檐戶半低
荒祠尋斷碣
故蹟總無稽

阜城

此地曾經出假王
至今烟樹鬱蒼蒼
後人莫漫輕嘲笑
前有劉崇石敬瑭

過臧家橋

漳水合滹沱
東趨直沽口
飛橋跨其上
疑有蛟龍負
檣帆遠近泊
車馬絡繹走
閱徧往來人
橋邊數株柳

宿河間二十里舖

衣上征塵盡
日吹黃昏野
店客投遲小
爲消遣村中
酒大可軒渠
壁上詩土室
支牀茅舊覆
瓷甌盛鬻黍
新炊宵來傭保
頻相問疑是
江南輕薄兒

過趙北口

淡易諸流匯
茫茫水拍天
暮隄歸鳥急
春淀市魚鮮
新柳恰三月
舊花逾十年
鳳城知不遠
翹首

五雲邊

雄縣次壁間韻二首

壁上何人句庭闈戀最深暮雲天畔意春草客中心余亦倦游久因之歸思侵青氈如可乞長傍北堂陰

故里循陔養江魚入饌新試看黃綬喜何似白華春默默情相許依依誼轉親京華倘攜手同慰遠離身

雄縣旅店壁上有詩二首云勞肩猶未息歲去在更

深游子三千里高堂一片心風塵袍袖滿霜雪鬢邊

侵欲報君親德還須惜寸陰今夕是何夕年光轉眼

新杯盤聊守歲梅柳已含春日望青雲路時懷白髮

親蕭條茅店裏誰恤苦吟身後書壬子除夕柘浦居士作蓋計偕北上者也詩非合作然其情繫高堂心懸白髮二章之中三致意焉與余懷有默默相感者輒復錄之並次元韻他日至都當訪其人也

白溝河書所見

停車白溝河午餐猶未終何來肥少年連騎驕嘶風黃金纏兩臂鼻底蠻烟紅自矜裘馬都顧盼增豪雄按之五行志是謂貌不恭對此不能食廢筋心忡忡渠輩豈足惜所惜吾黨中古人未暇學學彼癡兒童

過涿州

涿鹿城南路行行近

帝畿波光晴澹滄海嵐影晝霏微風棟欲紆紫露桃如賜
緋新鶯初出谷爭向日邊飛

過蘆溝橋入廣寧門作

當年曾此度關河懷古登臨托詠歌今日又添詩一卷
較前差覺性情多

○清河橋道中

夾路垂楊綠行人晚不閒淡金鴉背日深翠馬頭山橋
迴虹千尺波明玉一灣客中仍作客應羨白雲還

密雲懷古

慕容曾此走麻秋一戰能令石虎愁元璽霸圖今已矣
青山仍繞古檀州

石匣城

車不得方軌騎不得竝行昔聞亢父道今見石匣城太
行從西來曲折環神京至此露微徑有若斧鑿成一夫
荷戟守萬夫莫敢爭前代重邊防曾此屯勁兵至今峻
堞畔廢壘猶崢嶸豈知

全盛世中外皆編氓商賈絡繹過宵柝靜不驚

王道何蕩蕩陟險如履平格磔山鳥啼爛漫山花生緩
轡巖谷間但聽農歌聲

8 古北口

雉堞層層合關門一綫通風聲當塞勁山勢入邊雄萬
馬晴嘶野孤鷹晝擊空太平閒戍卒高卧柳陰中

青石梁

出塞未百里云上青石梁梁高數千丈轟轟凌穹蒼驅
車甫及半雲氣生衣裳三步仰脅息五步迴頭望下視
舊所歷一片烟茫茫太陽麗中天薄海同輝光虎豹噤
辟易魍魅驚走藏過險爰得夷彌望皆畊桑置身眾峰
頂不異登康莊今者萬頃田昔日百戰場巍巍
聖人德光被如虞唐小憩坐巖石空翠來前岡

黃土梁

我行青石梁盤盤高入天捫厯始得上黃土復在前疲
馬元以黃躑躅不敢先揮策賈餘勇驅使升其巔天風
瀨瀨來兩腋何蹻蹻閭闔或可捫仰見星辰圓疑控黃
鶴背抗手招羣仙向者以爲高尚非止境焉極頂偶憑
軾仄徑萬仞懸欲下車畏僨百夫隨後牽輪蹄不自由
迅若順水船瞬息至平地不復容俄延上難下孔易所
貴立足堅感此三太息顧視心茫然

○ 過灤平縣

卽喀喇河屯

駐馬灤平野店前塞垣風景轉悠然柳遮門巷桑遮屋

彷彿江南二月天

過廣仁嶺避雨三義菴

雲氣前峰羃招提暫解鞍林端驚驟雨石罅走奔湍花
木閒庭遠琴書小室寬蕃僧諳往事對客話金壇

壁上有于

文襄書

灤陽卽景二首

靜卷湘簾日未斜晝長無事鎮思家邊雲乍起俄成雨
塞草叢生偶作花吟罷小斟鄆縣酒睡餘閒試建州茶
行囊賸有青氈在乞與葩經補白華

去住茫茫客裏身無端留滯又兼旬看花尚喜心如舊

得句常嫌意不新黃卷擬尋同學侶青山應待遠游人
春來護草年年綠苜蓿堆盤敢厭貧

熱河八觀詩 並序

乾隆癸丑歲夏五月隨座主韓城相公往熱河閒中
典會所至耳目所及輒紀之以詩將歸檢之凡述其
地之可觀者計得八章而他詩不與焉昔東坡鳳翔
八觀詩其序僅曰當秦蜀之交士大夫之所朝夕往
來而已遂乃作為歌詩以貽來者况熱河

國家蒐獮之所經羣藩朝覲之所集建官設學戶口
日增其為鉅觀當又何若耶因名之曰熱河八觀詩

日秀峰書院。美德化也。日武列水。日磬鍾峰。考古蹟也。日布達拉廟。日札什倫布廟。頌徠遠也。日夜光木。日金蓮花。紀物產也。日杏春園酒樓。樂阜康也。他日述諸親舊。聊以備遺忘云爾。

秀峰書院

灤河舊屬遼中京。金源亦置興州城。當時文治應已具。掃地廢壞由前明。我

朝生聚百年。从士知禮樂。民知耕建官立學。如內地復創書院。羅羣英。秀峰之側。氣深秀。相度隙地。勞經營。繚以周垣。發文石學舍。鱗次何崢嶸。廻溪漱玉響。幽徑疊

嶂送翠來。前楹虛堂無塵窗。几淨晝永。但有弄歌聲。側聞往代盛講學。阜比坐擁皆虛名。互爲標榜趨利祿。力排異己交相傾。否則康莊騁岐轍。門戶角立水火爭。物極必反理固爾。

昭代天與開文衡

聖人在上士習粹。不使莠雜嘉禾生。聚徒倡論焔久息。但以經術觀其成。邊民椎魯沐

王化咸慕車服章。身榮邇年賢書亦屢薦。飲庠射序聞吹笙。從來禮義出富庶。先養後教分重輕。卽看到處矩度肅。實由比戶倉箱盈。閭閻此時佳子弟。廟廊他日賢

公卿寄言青衿勿自薄努力誦讀酬澄平

武列水

昔聞武列水名在酈氏書今來塞外游目驗良非虛連
朝風日佳儼若三春初攜客乘曉涼宛轉經前渠幽鳥
夾岸鳴密樹交扶疎其深及馬腹石瀨流徐徐驟雨乍
止後或向晴灘瀦巖花不知名濃香撲衣裾繁英墮水
中紅紫紛爛如緬懷元魏世屈指千年餘古人不可見
古意誰復舒登眺興不極獨立空踟躇

磬鍾峰

一峰植立百仞餘上豐下銳形摹殊陰陽爲炭運洪鑪

化工之巧世所無天生神異人莫識鬼斧巉巉露雕刻
寰中罕覩此奇觀擬議形容詎能測或云金母朝羣仙
雲璈戛擊聲鏗然十二仙娥舞蹁躑雙成被酒腕無力
一錘擲下中霄懸剛風堅凝化爲石雨滋露濯滑於澤
巨靈有手不敢擘斑斑駁駁古生碧酈元酷吏非知言
強名石挺何足論豈知顯晦各有數微物亦得蒙
天恩憶昔

仁皇此駐蹕仰觀俯察輝

宸筆錫以嘉名曰磬鍾

龍沐山靈紀其實至今薄海人來游仰止片石如琳瑯

支離陋彼水經注。永照四極垂千秋。

布達拉廟

化人宗喀巴。黃教所稱最。嗣法二弟子。願力極廣大。其次曰班禪。其長即達賴。所居布達拉。殿宇悉珠貝。西北諸藩服。信之若著蔡。灤陽行在所。歲歲紀王會。

特命剏茲廟。用以示無外。隨俗以施教。八方其安泰。飛甍飾朱丹。崇墉植松檜。九品裝蓮臺。七寶擁芝蓋。琅函時諷誦。妙相務雕繪。桀子與悍夫。覩此輒懲艾。上者言性命。下者講利害。始知象教力。半屬怖蕁昧。空階立移

此廟於清光緒二年

時花雨落霽霽。意得言輒忘。微風響天籟。

扎什倫布廟

皇帝四十有五年。班禪萬里來朝天。

詔建扎什倫布廟。仿厥制以居之焉。琳宮巍峩數十丈。金碧照耀青山巔。朱門沉沉靜不啟。巨宇四體當中鑄。

謂國書漢書及蒙古唐古忒字也

峰迴樹鎖望靡極。天半隱隱樓臺懸。

黃衣比丘六時課。撞鐘伐鼓聲喧闐。牟尼夜騰寶月朗。婆律晝結慈雲圓。列藩新舊眾蒙古。膜拜頂禮心精虔。此僧雖寂神不滅。再世復得為班禪。遞相授受主彼教。亦如衣鉢宗風傳。歷數百載弊稍出。靈異現示非從前。

因時立法

聖人事革除積習無拘牽。金瓶貯名令採取。守臣監視公不偏。自茲衛藏眾僧俗。益仰

聖德巍巍然我

皇神武古莫比。四海震聳無烽烟。俘達瓦齊定準部。誠

索諾木平金川。昨來復降廓爾喀。異域稽首爭相先。稱

臣納貢受約束。須彌福壽長綿綿。扎什倫布譯言須彌福壽也太平

佛亦效瑞應。舍利騰躍金剛堅。廟前經過瞻壯麗。擊壤

聊當康衢篇

夜光木

鬱儀戲斫若木枝。投之地上光離離。東南卑濕種不得

沃以沆漚神扶持。箕尾之躔濡水側。碎擊珊瑚徧山植

太行西來如燭龍。蜿蜒萬里黃金色。初疑月中桂。斲逐

靈蛛落雲際。又疑天上榆。繁星亂綴千明珠。不爾人間

凡木疇能如我聞。五行中唯火。乃有光日為火之精。始

克照四方星月之體。本虛闇借光於日。方煌煌得無此

木竟與火相錯。天公遊戲鼓橐籥。腐草為螢。海水明人

間萬物難臆度。窮理紛紛競說經。可憐小智徒穿鑿。吁

嗟乎木兮木兮爾。何不斂其光。藏其用。靜待他年作梁

棟。大枝小枝合繩墨。匠石經營廊廟重。請看松柏南山

核補堂詩集 卷八
隈澗底鬱鬱非凡材吞雲洩霧謹韜晦寸長自耀胡爲
哉

金蓮花

塞土蕃草木往往無名稱本經既失載爾雅亦未登第
就形與色厥號聊相仍冉冉金蓮花太白精所疑似荷
而差小七葉黃雲蒸當暑爛漫開滿地生金稜傳云自
崞山移種來宜興我游灤之陽觀此喜不勝折置几席
間一室寶氣騰璀璨照毛髮不啻光明燈乃知天地廣
目擊始有徵眇眇閉戶子博物徒驕矜小者尚如此大
者安可憑朝菌不知晦夏蟲難語冰把玩發遙嘅作詩

貯行勝歸來述聞見用以告友朋

杏春園酒樓

南風吹山青滿空杏春樓前花白紅行人繫馬上樓坐
金環壓轡搖玲瓏灤河之魚白勝玉珠滴槽牀酒新熟
貯盤肥美契丹羊到口香甜蒙古鹿食填巨壑飲漏卮
龍頭瀉酒堆琉璃螭爲吹笙虎擊鼓更有燕姬雙翠眉
華燈綺筵光錯落醉後不知羅袖薄越客初看塞北春
吳兒漫唱江南樂酒星煌煌方在天憑欄興劇呼青蓮
青蓮骨冷呼不起不如且向爐頭眠君不見當樓極目
人煙密蔀屋家家倉廩實西疇禾黍高比山百年生聚

有今日今

皇神聖天下康。努力耕鑿勤農桑。鄉人歲時舉典禮。習射蜡祭登賢良。茲樓欣遇太平久。水陸珍奇無不有。我亦高歌歸去來。年年長飲杯中酒。

塞上七夕二首

山圍小院送晴嵐。瓜果堆盤酒半酣。向夕犀紋簾乍捲。澹黃新月正西南。夜半天孫絳節迴中庭。涼露濕莓苔。歸時檢點新詩句。曾向灤陽乞巧來。

卽事

山川非故土。倦客畏登臨。塞外寒信早。病中鄉思深。青藤牽屋角。蒼蘚老牆陰。向夕西風起。誰家玉笛音。

詠史二首

猿臂將軍蓋代才。瑠弓八石老猶開。封侯早識由天幸。枉著工夫射虎來。

漢廷經術策羣儒。學貫天人董大夫。任爾平津開閣貴。春秋曾有玉杯無。

塞上新秋

黃沙颯颯北風驚。寒角霜笳次第鳴。記得江鄉此時節。綠窗蕉雨聽秋聲。

淮陰史上舍性嗜花江鄭堂賦芍藥吟贈之癸丑
夏客灤陽出以見示並索和章因次鄭堂韻

淮陰史君吾舊雨意氣逢人輒傾吐生平嗜花有花癖
自花以外皆塵土邇來頗擅能書名公卿倒屣長安城
得錢沽酒對花飲金卮歛灑春波生十載關河走霜雪
灤陽相遇真奇絕示我江郎芍藥吟清辭綺思花同潔
哦詩點坐當疎櫺豐臺恍若身重經擬賡好句少新意
抽毫願乞花枝靈邊塞蕭條數椽屋飯餘終日空捫腹
紛紛惡草競弄姿排悶唯思新釀熟山川信美非吾鄉
歸心日憶胸之陽冷官自憐祿籍薄不妨管領東風香

江郎江郎真益友才氣寧能計升斗他年江上願卜鄰
朝起談經夜酌酒春明車騎喧成堆豈如史君懷抱開
羣芳凡近不足愛好種羅浮千樹梅

附元作

旌德江藩鄭堂

鼠姑香殘過穀雨續芳紅藥當階吐淡紅香白滿城
闔豐臺名花賤如土史侯愛花不好各前身曾主芙蓉
城千枝萬朵塞破屋浮空一片香雲生斯人肝腸
艷於雪棄紅取白更癡絕清宵人靜妬月明不放銀
蟾騁皎潔重簾犀押垂窗櫺抽毫日寫靈飛經蜂鬚
蜨翅不敢近護花郭如通三靈廣陵江郎住隔屋孝

鄭堂淫學詩書外有蘇
文一卷平詩句未之及即此
扁論之六自工也

先自笑便便腹。閒時默誦孫樵文。鼻息搖花睡方熟。
將離引我夢還鄉。篠園池館臨斜陽。晚風活色正情
悅。醒來鼻觀留餘香。慰我鄉思覓紅友。三百青銅沽
一斗。酒酣耳熱忽高歌。醉向花前酌殘酒。願花莫作
錦繡堆。四圍金帶爭先開。魏公秋容淡老圃。他年誰
可調鹽梅。

熱河中秋

去年此夕建業城。今年此夕灤陽道。關河迢遞路三千。
一樣中秋明月好。今年秋是去年秋。去歲游非今歲游。
試問聞雞南埭畔。何如射虎北山頭。

在平

荒城凍柳參差出。古戍寒花寂寞開。千載元嘉爭戰地。
臨風空想佛狸才。

孟廟

楊墨爭鳴日巖巖。間世生盡心希孔子言。性異荀卿官
禮聞原略。詩書論最精。七篇遺訓在直亞。六經行

望嶧山

迢迢葛嶧山前路。四次經過未有詩。何日羶椎攜小史。
披將野火訪秦碑。

校禮堂詩集卷八終

校禮堂詩集卷九

歎凌廷堪次仲撰

甲寅

寄祝座主韓城公七十壽詩四首

灑瀚河渭流截辭華嶽峙扶輿氣磅薄往往真儒起我
師西北秀當代大君子發揮周孔蘊敷佐堯舜理都俞
契

帝心謨猷載國史崧生雅所歌田間敢妄擬獨愧樗櫟
材忝列門下士願如山之高朝野共仰止願如川之巨
民物永依被頌禱實至公匪特感知已

儒者生世間所貴在立身立身偶不慎萬事俱灰塵懿
訓垂簡策此意時相親復疑今昔殊後賢難比倫何期
接提命儼對古大臣和以接羣物嚴以待小人立言平
且易隨地皆可循讀書求實際不在高崖垠顏子樂其
樂孟氏醇乎醇始知往哲論片語非無因不敏請從事
再拜書諸紳

易自漢以來說者何紛然公獨玩其辭靜對十翼篇但
以象象意遙闡苞符傳憶當受業初執經函丈前公爲
辨疑似去取無拘牽王弼理旣鑿費直數亦偏必兼理
與數大義始得全妖妄斥恣緯詭異羞攤元正論發秘

與諸儒莫之先他時著述成公壽垂千年

在昔策大廷名冠多士首於今弼

聖時位居百僚右華國復匡世科名始不負餘事爲文
章氣象涵萬有原道韓退之正蒙張子厚古人託空言
公展經濟手昨歲侍公側薰陶惜未久旋發春明門青
檀歸養母今公登七旬弟子羣進酒擬附鳳皇飛躋堂
介糜壽

題程尹谿觀日圖

頽虬蹙浪湧金輪俯瞰羲和面目眞回首蒼蒼煙霧裏
幾多捫籥扣槃人

題載空上人補衲圖

集得芙蓉欲禦寒。秋來方覺水田單。不如且向蒲團坐。檢點雲山舊衲看。

答孫熙堂

吟情大似吳刀澀。詩思渾疑蜀道難。多謝子荆零兩句。報書聊當和章看。

泊橫林

晉陵山色淨無塵。小泊橫林景倍新。白袷風前沾酒客。青蓑水際浣衣人。蘋花挹露都如雨。楊葉當秋只似春。他日扁舟重過此。漁郎莫誤舊時津。

重陽日過嘉興作

疎柳傲傲蔽酒樓。滿湖煙雨澹生秋。鴨餛飩好微鹽漉。不負重陽過秀州。

雨中過石門縣

儘日西風急扁舟。冒雨行迴溪蘆作岸古。縣石為城隱隱吳山遠。茫茫越水平蘇堤。秋色好須放詰朝晴。

塘棲道中

長空幾縷斷霞明。帆挂秋風分外輕。但覺人如天上坐。不知船在鏡中行。林端遠岫穿雲出。草際疎花夾岸生。底事傳經堂畔路。晚來唯聽棹歌聲。

靈隱

入門秋色點衣濃
遮道清泉夾道松
山石鑿成千萬佛
溪雲幻作兩三峰
招邀廉訪舟車力
消受瞿曇筍蕨供
他日好攜香一瓣
旃檀座下禮金容

龍井

試酌龍井水來烹
龍井茶湖光留粉黛
石色老烟霞
碑紀前朝蹟
仙宜此地家
何須乞勾漏
萬里問丹砂

自靈隱至龍井放舟循白沙堤而歸

歷遍招提領妙香
平湖歸路晚風涼
剡藤乍展圖千尺
塵匣新開鏡一方
雙闕疑瞻天尺五
十洲遙指水中央

買田陽羨非吾志便合移家住此鄉

次廉使謝蘊山先生九月晦日行香天竺遂至龍

井由瑪瑙寺放舟而回四首元韻

乘曉經初地留連未忍回
此中諸佛現何處一峰來
玉版有真味蒼官無點埃
使君騶從簡曾不損莓苔

古井近丹竈一泓香不腥
靜涵詩客瘦寒沁酒人醒
龍去水猶碧鶴歸天更青
虛廊尋往蹟碑字久沉冥

半壁疑圖畫丹青倚右丞
遠山紅樹杪飛閣白雲層
細草封仙宅微風颭佛燈
試參齊物論成毀總難憑

廉使今蘇白湖山得主人
柏臺朝執法芸館夜留賓
已

蠟花時屐還投水際綸懸知佳句好傳徧浙江濱

題胡雒君環山舊隱圖

數椽小構亂雲間竹木蕭疎水石環留得百年先業在
便歸不用買青山

次韻答謝公子崇之 時年十二

十年慚愧祖生鞭長笑醯雞喪裏天羣紀交情今日訂
齊梁結習幾人捐三霄好挹金莖露五夜須勤雪案氈
記取鳳毛家學在桐花重和玉溪篇

次謝蘊山先生湖上看紅葉二首

權轉南屏景倍奇丹黃新染寺前枝入門冠蓋僧趨疾

覓路松杉客到遲幾樹澹橫秋水外半林濃到夕陽時
諸天盡作珊瑚相色界從來未有涯

一夜清霜秋滿湖楓林高下望模糊襪來淺碧溪光靜
界破微紅塔影孤落葉寒雲翁卷句晴巒蕭寺李成圖
春回好証重游約坐待東風草木甦

題簷笠東明經小照二首

溪聲灑灑雨疎疎戴笠春疇日荷耒自古農家歸七略
茅檐閒緝勝之書

二頃甘爲附郭農買將黃犢擬相從何時細講區田法
上地能收畝十鍾

乙卯

喜海寧陳仲魚雪中過訪并題其說文解字正義
打窗密雪晝紛紛有客攜書過訪殷十載京華久傾倒
衝寒今日始逢君
二徐去後久塵埃許氏榛蕪此再開體例不嫌同孔賈
通經原自六書來

同胡維君游天竺

步出錢塘門湖光碧於染百錢買小舟輕比鷗一點數
里乃登岸佳境入以漸寺遠丹嶂圍峰高白雲掩山泉
靜有聲石路平不險里媪合掌進厥狀佞且諂金帛競

布施詎問歲豐歉羣髡坐收利不用事箕斂信鬼越俗
然誰爲立防檢妄想固可嗤虛擲更宜貶倘司牧民責
願言示之儉太息循歸途旃檀香冉冉

韜光

虛廊一徑入深翠彈指忽現空中觀底須七寶裝世界
自有萬箇青琅玕天風扶人登極頂不信塵寰有此境
悠然微會心自知隔江飛過芙蓉影

過嚴子陵釣臺

百丈遙牽上瀨船抽帆小泊釣臺邊故人仗劍方爭地
野客持竿亦應天不解鼉聲黃室主可憐龍鬪赤符篇

登臨猶記經過處屈指春風十四年

白沙埠

曉發白沙埠水色疑琉璃蒼蒼兩岸山分照雙蛾眉嵐
光潑眼淨無滓俯首看山山在水舟行一步一改觀縱
有丹青難落紙我昨初自西湖來兩堤花柳心顏開如
讀沈宋應詔作雖極典麗無驚才睦州好山忽相見耳
目欣然都一變涪翁奇峭放翁新不數岑參與常建又
如飽食官家厨大嚼已飫牛羊豬偶逢羸蛤頓爽口臙
臙堆案翻嫌腴吁嗟乎人情矯僻靡不有厭常喜異由
來久不如彼此兩忘言篷窗靜酌姚州酒

港口道中

齒齒春流走急湍碧磯噴雪浪花寬都緣帆得長風助
忘却舟行上水難浮蟻試尋哺後醉買魚聊佐晚來餐
計程此去鄉關近指點雲山細細看

○街口舟中卽事

游魚真可數澄澈水疑空山在微雲外舟行亂石中推
篷遙待月挂席飽乘風莫道遲春信疎梅已露紅

金灘

高瀨建瓴下輕舟與水爭飢蛟騰浪影怒馬蹴江聲漁
父閒相向篙師慣不驚須臾看出險依舊綠波平

題程易田先生讓堂話別圖

國朝多通儒。吾郡尤粹深。江戴旣云逝。存者程與金。修
撰究鄭賈。他學旁不侵。廣文證名物。制度勤披尋。著書
號通藝。識到緣思沉。考工諸器數。洵足掩古今。九穀辨
其類。七竽求其音。釋間上下篇。字字皆瓊琳。時或匡舊
義。廢起膏肓鍼。鯁生幼失學。辭賦虛光陰。稍壯研士禮。
若水無涖溥。亦思少撰述。弁陋終難任。先生我舊識。講
論夙所欽。京華屢請質。獎借兼規箴。片語啟扁鑰。恍聽
成連琴。一別將十年。歲月何駸駸。喜君健猶昔。杖履時
相臨。呼酒命我飲。出卷索我吟。昨登修撰堂。方慰仰止

忱。今與廣文別。又增離索心。聚難散頗易。愁對春愔愔。
詩成不暇點。聊用記分襟。愧爲鄉後進。詎敢攀苔岑。願
言附驥尾。姓字書儒林。

休寧道中

淺淺溪流細細風。烟拖楊柳綠迷濛。中間柳斷烟疎處。
露出桃花幾尺紅。

望齊雲巖眞武殿作歌

歛山萬疊青氤氳。一峰南出名齊雲。遙觀臺殿接雲表。
雲氣下護旃檀薰。紅塵十丈飛莫到。森嚴幽闕神所欣。
沿途男婦雜童。亦有少女褰青裙。長橋跨澗石齒齒。

飛瀑赴壑波沄沄盤空高磴厯匪易偃僂拾級何殷勤
市香奉幣口默禱願降福祉除菑氛茲神赫濯數百載
前明肇祀古未聞或疑須女之七宿厥象上應元枵分
禮稱天神壇不屋豈與人鬼爭苾芬不然恐是汁光紀
流俗附會識所云緇黃依托攀二氏譏言鄙誕嗤紛紛
能捍大災禦大患祀典詎曰非功勳我聞民在卽神在
從古立社緣成羣前者爲柱後者稷遞相配位祈耕耘
周語但紀內史過楚辭亦載雲中君乃知神亦有顯晦
寧獨城陽蔣子文陋儒攘袂詆淫祀不知通變空斤斤
從宜因俗貴精義底用援引談皇墳不見衛民兼衛國

徧祀後漢前將軍

雨中過楓嶺

春泥擁路費躋攀嶺上行人自不閒
旅思重重無著處
籃輿聊看雨中山

大洪嶺

羊腸一線路盤空
疊嶂層層望不窮
行過白雲渾未覺
回看人在白雲中

油柞嶺道中

竹樹蕭疎水一涯
雨餘景物望中賒
老紅遮路知三月
深碧浮空認九華
莫羨壽陵餘子步
且乘下澤少游車

僕夫既倦何妨住小憩前村問酒家

柏山渡雨發

一夜檐聲攬客眠曉看雲氣四山連危磯水際似人立
飛瀑雨中如布懸草色侵衣寒漠漠溪流赴壑響涓涓
信知行路難如此輸與村翁坐釣船

發雞兒灘雨中卽事

登程已十日無日不逢霖昨夜雨尤大今朝泥更深畏
看雲出岫靜羨鳥投林寂寞春山裏聊爲擁鼻吟

黃湓

濃雲壓嶺密還疎波滿平疇水滿渠自笑廣文官獨冷

春來何事雨隨車

渡江喜晴

皖公山色翠相迎沙岸遙看馬足輕隨路莫辭連日雨
渡江眞喜一朝晴挂帆安穩風徐送打槳滌洄浪不驚
聞道宣州魚米賤未妨奉檄慰毛生

題桐陰讀易圖

桐陰匝地雨初收逸象何人解細求我欲與君論互體
一編重校李資州

采石望虞雍公戰處有感

海陵南征強且悍杭宋當之石壓卵先聲遠播小朝廷

已令臨安百官散。劉錡衰年怖成病。采石江邊鐵騎。敵。人。偶。爾。未。濟。師。遽。說。書。生。能。制。勝。由。來。宋。史。辭。多。誣。炎。興。十。事。九。事。虛。輿。尸。蹙。地。望。風。潰。事。後。皆。以。大。捷。書。東。京。擁。立。小。堯。舜。再。欲。渡。江。人。不。順。戕。君。整。眾。徐。徐。還。在。道。曾。無。一。騎。遁。元。宜。設。不。夜。為。變。鴉。鶻。重。來。敢。迎。戰。鶴。林。老。子。有。公。訐。耳。食。紛。紛。誰。與。辨。童。頭。豎。儒。倦。於。學。金。源。之。書。束。高。閣。可。憐。凍。水。續。方。山。遂。使。雍。公。媿。康。樂。

金陵懷古用王荆公韻四首

沿河四戍恥憑江。廣固長安敵盡降。天外休徵丹鳳隻。夢中嘉瑞白龍雙。赫連度塞宵飛檄。拓跋窺船晝啟牕。

惟有尋陽陶靖節。東籬笑指菊花缸。

咀須老將控荆江。秉笏懷中未肯降。龍額風雲方應六。鸞肩日月已成雙。劍名琥珀金為飾。樓號瑠璃錦作牕。從此屠酤皆樂事。豕羊懸肆蟻浮缸。

青絲白馬下橫江。大帥連營解甲降。草長廢宮鶯囀百。柳遮遺壘燕飛雙。疎鐘已咽銅仙闕。明鏡徒懸玉女牕。讀罷蘭成蕭瑟賦。向風那惜酒盈缸。

歌罷黃鸝月滿江。蠻奴精騎望旗降。分疆僅得殘榘半。入井真成大體雙。乍見金戈來曉苑。可憐瓊樹映晴牕。臨春故址今何在。賸有飛花點翠缸。

校禮堂詩集卷九

校禮堂詩集卷十

欽浚廷堪次仲撰

丙辰

題王柘庭壯士十年歸圖

北風滿天塞草折壓手貂裘冷於鐵壯士從軍十載歸
馬蹄帶得祁連雪歸來迫想聊作圖貌此七尺昂藏軀
曾須共君話游歷酒邊細證蘭臺書

周最峰邀游敬亭山翠雲菴歸以詩見示奉和二
首

攬勝人初到峰迴覓路難蹬穿紅樹杪菴在翠雲端破

屋炊烟寂虛堂佛火寒劇游多古意乘興更憑闌
鐘磬聲俱歇空山靜不譁庭坳堆冷葉石罅露寒花孤
崔遠投嶼病僧閒煮茶亮無車馬至誰與護烟霞

題朱琴川集陶詩後四首

集陶編入遺山集又向詩家闢一塗誰信後來翻在上
前賢應歎積薪無

元遺山雜著詩稟氣寡所諸衣食固無端五首皆集陶成句見集中

彭澤何心覓句工咏歌本與性情通秋來一樣東籬菊
少爲移栽便不同

毅父詩傳集古勞家雞逐鳳未云高多君碎織光明錦
盡是丹山五色毛

文章妙處本無奇今古何妨共取之底事南陽樊紹述
苦心絳守記園池

次韻答朱立堂

東風門掩落花餘一榻青山卧讀書別後應添詩卷富
年來莫遣酒尊虛遙憐華鬢絲相似猶記清談玉不如
何日宛溪溪畔路蕭齋重與慰離居

寄祝山西方伯謝蘊山先生六十壽二十四韻

盛代推良佐唯公迥出羣照人秋漢月潤物泰山雲早
歲登仙掖巍科契
聖君食邀

天府饌衣惹石渠芸鷺序聲名貴螭坳姓字芬金章三
秉節玉尺再衡文桃浪平淮甸棠陰滿浙瀆去思吳士
戀來暮晉民欣近值菘生候遙知華祝殷寸心惟感激
蕪語漫紛紜尙憶相逢際都忘貴賤分解推情已摯獎
勵意尤勤侍坐箋同擘論文酒共醺愧非和氏璧虛費
郢人斤竊念依曾久聊爲述所云說經尊往訓著史邁
前聞賦壓紅綾宴書傳白練裘鴻篇騰萬口健筆掃千
軍宛水循聲在黔黎舊德薰當年沾化雨遺愛媿高雯
賤子持毛檄卑官典泮芹側聞田畔叟猶道昔時勲井
里安耕鑿膠庠樂夕昕願書清德頌輦石勒河汾

丁巳

寧國學署梅花盛開偶作

寂莫東風晝掩關梅花開後識春還空庭忽作眾香國
片石眞成羣玉山客子拋書閒縱目老親扶杖靜開顏
何時更買雙溪宅手種寒香十畝間

○聞抱經先生卒於常州之信

髫年猶記讀公書宇內靈光信不誣其許康成談六藝
獨邀皇甫序三都曾爲批
稿作序素車東望雲連野丹旄南歸
雪載塗身後漫愁遺稿佚晉陵編校有生徒

皖城喜晤朱少河同年卽次石君師寄少河詩元

韻

握手皖江路好風清且和一瓊生計苦五載別懷多薄
醉聞中聖微吟靜卻魔天衢知不遠期子上巒坡

座主石君先生內遷兵部尚書恭送四律

再持龍節撫江東旋被

新恩晉爵崇周室夏官專九伐漢家司馬本三公從知
盛世賢斯舉始信真儒位必隆遙想朝端佳氣滿百僚
爭覩大臣風

童叟扶攜擁路看潁川入相欲留難文章一代唐燕許
勲業千秋宋富韓華國屢登青瑣闥壽民仍望紫金丹

以下三首皆少

自茲寰宇添膏澤不獨東南八郡安

道該本末士咸稱惠政嘉謨悉準繩薄海久經同仰望
此身原不解驕矜維摩老去花如雪嶺嶠歸來橐似冰
試問洛閩談學者古今若是幾人能

尙憶橫經侍講帷梗楠榲櫟總含滋少陵廣廈孤寒庇
君實高名走卒知拜手賡歌虞陛日濟川霖雨傅巖時
他年竹帛存公論詎為私恩有溢辭

泊大通

孤舟當晚泊盡日少行人苦竹啼山鬼叢祠賽水神半
輪江上月一葉客中身颯颯閒蘆荻猶聞嘯碧津

○偶成

高樹影遮屋好花香滿庭
藜羹朝視膳竹几晝研經
對酒易浮白著書難殺青
所思勞北望何處寄芳馨

題表忠錄為桐城孫節愍公作

節愍名臨唐王時以職方主事監揚

文驄軍順治三年被獲死於浦城乾隆四十一年賜今謚

空拳冒刃壯心摧日薄虞淵挽不回
甘飲素虯歸北闕怕歌朱鳥向西臺
義人齊下王琳泣烈士誰與蹇鑿哀
詎意百年公論定易名

恩自九天來

晉輒歌

浙江布政使謝蘇潭先生葺衙齋得古輒八枚輒側
有永平字者七永興字者一胡錕君徵君定為晉惠
帝時物丁巳七月拓以見寄為賦此詩

蘇潭先生貽我書遠示晉輒之拓本上有永平永興字
波磔稜稜猶未損桐城徵君雅好事著手親撫土花翠
考之當屬晉惠年識學應增古輒記

錕君著書名識學錄永平改

年楊駿誅永興元海稱單于中間元康僅十載張裴當
國民無虞爾時三吳誇富庶營造家家競馳騫可憐誰
與督揚州忠壯淮南馬欽度近來金石負重名共推晉
師翁北平竹汀少詹竝時起能使洪趙歐陽驚矻矻窮

年事攜載搜羅遠及宜禾塞此輒咫尺竟未知萬物從來有顯晦吉金附印石附輒北平體例超前賢他時會

見留新詠好入蘇齋學古編昔在南昌嘗與蘇潭先生擬仿山谷精華錄之例取

覃溪師集中考辨金石及疏證經史之詩為一集日學古編為詩家另闢途徑尚未遑從事也

題胡本亭小照二首

割鮮飲到半酣時恰好鱖魚觸釣絲我愛鐵溝喬太博不從侯喜辨鱗鬣

輕舸一葉駐烟波笠澤松陵興若何底事浣花貪大嚼東津兩賦打魚歌

題吳楚帆同年洗硯圖二首

墨譜茶經結靜緣一池春水碧於烟臨流重啟玻璃匣細與疏寮校硯箋

長松高映石嶙峋小坐間吟見性真洗淨端州鸚鵡眼新詩何處著纖塵

題孫雨窗公子竹窗聽雨圖二首

廿載江湖客夢驚雨中猶記籀龍鳴何時廣構千間厦我亦生平愛此聲

不須翦燭唱瀟瀟一卷長吟破寂寥聽到隔窗無驟響始知脩竹勝甘蕉

伯元閣學以秋桑詩四首見寄特別逾四載離緒

方深謹次元韻聊志搔首踟躕之感

野田零雨澹生寒
宛宛濃陰望欲殘
酒到蒲城應號落
水過瓜阜合名乾
纏綿遠道思千里
信宿枯禪指一彈
江國更誰衣被廣
摺風休作并梧看

城南倭墮晚徘徊
懶傍丹楓競綺才
香甚昔經鳩共醉
寒林今贖雁頻來
關心碧色篋中減
瞥眼青陽宅畔迴
便擬結鄰茗雪上
稻花深處對門栽

柔柯霜後染新黃
寂寞何因見貴郎
伐向西風剛八月
采歸南陌已三商
樓頭影惜垂垂老
屋角聲驚策策涼
想見秋闈萑葦具
織縑都比故人

無多蠹葉抱疎枝
岐路蕭條夕照遲
樂府素琴齊變節
羅敷綠鬢半成絲
最憐冷蠋初緣日
猶記春蠶正食時
珍重女紅生計本
使車好備採風詩

元作

儀徵

阮

元伯元

扁舟衣袖乍驚寒
下若桑林綠意殘
初響天風知半落
未逢夜雪已先乾
樓前有日蒼涼出
陌上無箏錯落
彈若使秋胡歸獨晚
黃金原向絹機看

西河古社重徘徊
木葉應知庾子才
淇水秋期貧婦怨
晉廷九月餓人來
采菱纖手空成妬
舞柘輕腰不共迴
偏是吳儂易焦萃
十年牆下記親栽

疎陰十畝間青黃誰向花前喚索郎釀秫時光宜薄
醉調弭情緒動清商但教天下輕絲煖何惜林間墜
葉涼試種東坡三百尺芟來終比暮雲長
漁陽八月已空枝還是吳興霜露遲黃鳥不來翻落
葉青蟲相對挂寒絲綢繆陰雨經年後收拾斜陽欲
暮時料有茗溪老桑苧洞庭秋色滿新詩

題張季虎天女散花圖

畫作頭陀像

曼陀無數法雲開笑卻熊羆本辨才摩詰已非居士像
尙煩天女散花來

○王子卿取易觀卦六三爻辭作觀齋圖因以自號

石君師闡風地之義題之蓋勉以觀國尙賓云
爾丁巳十月子卿來宣州出以見示爰用鄭學
發明師說

鄭氏釋盥薦特引鄉飲酒利用賓於王觀生乃無咎是
謂禮注易匪獨論奇耦自從漢學微此說廢已久苟虞
尙紛岐何況輔嗣後披圖發疑義待向經神叩獻爵酬
以觶興賢意良厚君子志未平象在觀上九

吳春麓同年客宣州每過學齋輒論文不倦昨以
二詩見東意甚謙下余愧其言久而未答時春
麓家貧將以縣令就吏部選而會試之志不堅

酒後偶有所觸率成二截和之與來意各不相蒙也

鏡裏粧成絕世姿雙眉自信總相宜繁絳急管當筵舞不似寒閨刺繡時

青樓別有四時春咫尺爭妍各笑顰隨分蓬門壓金線綺羅香重更愁人

附來詩

桐城 吳賡枚 春蘂

結習當年劇未除鴉黃間貼曉粧餘畫眉深淺何須問門外初停大婦車

西樓高唱接陽春一曲風香調入神會得繁絳須秘

響真成善本度崑崙

校禮堂詩集卷十

校禮堂詩集

卷十

校禮堂詩集卷十一

飲凌廷堪次仲撰

戊午

題楊克堂醉漁圖

漆園漁父傲宣聖楚辭漁父譏靈均賢愚千古兩不問
但知痛飲玻璃春虹霓百尺珊瑚色懶作滄洲釣鼈客
使合移家住醉鄉終朝拍浮酒池側酒池雖淺無風湍
麴塵深處客垂竿蝦蟇跳過雀兒浴一寸聊復供晨餐
上蔡公子牽黃狗韓盧宋鵲紛紛走不如水上放鷓鴣
况有平生一杯酒有魚無魚何足嫌鈎直鈎曲徒詹詹

我願柳陰沉醉後更分餘酒餉陶潛

偶作

扣鐘作鐘響拊磬爲磬聲不聞扣鐘時以磬代鐘鳴妍
鑿妍則見媼鑿媼乃呈不聞明鏡中妍媼乃異形外樸
內藏姦妄使愚氓驚氓愚不可欺安容竊嘉名寄語詐
謾子人世多公評

答孫雨窗公子見寄二首

如畫江城靜裏看閉門始信足音難多情賴有佳公子
肯寄新詩到冷官

丹陽白下路迢迢百里相思托暮潮他日南窗修竹下

會偕張籍訪孫樵

謂張季和

題張季和黃山紀遊詩卷

一卷清詩妙入神摹山刻水倍鮮新
豪端盡帶青霞氣松下應逢綠髓人
吟詠每從登覽健文章時露性情真
他年雲路舒鸞翮好賦蓬萊頂上春

。石君師用昌黎薦士詩韻題校禮圖見贈五言古
一章敬次元韻報謝兼答阮伯元閣學王儕嶠

編脩

昌黎薦士詩詰屈法周誥千秋愛才念文與情竝到豈
同浮薄流標榜立名號文章真卻窳一一爲批導寒齋

靜諷誦如見古人操。吾師今韓公。論材辨豐耗。衣被滿天下。幾人列安輿。鳴鳳翔丹穴。迥異百鳥噪。樹木必樹嘉。飲泉不飲盜。敦行龍頭選。持躬虎尾蹈。涯岸鮮矜張。門戶禁侵暴。明駭歷中外。稱譽徧穹壤。實大聲必宏。如聞奏械驚。黃裳占自吉。緇衣素所好。匪獨守鄒魯。兼可化昇稟。賤子抱禮經。尺蠖困行潦。匍匐光範門。上書屢不報。延堪三應京兆試始一登副榜公時持玉衡。餘丹分鼎竈。釋褐登公堂。耳目發聵眊。學識方虞淺。升進詎敢躁。三復白華篇。親年將耄耄。懼乏百里才。利祿忍輕冒。投牒乞一壺。循陔志母傲。適公撫江左。講帷喜重造。學禮質疑義。良

楛悉蒙燾。貽詩極獎掖。感深反成悼。同門荷兩賢。酬和逾紵縞。伯元我石交。心曲奚待告。弱冠聚邗上。塵埃共席帽。綢繆風雨夕。切磋兩勿繆。譬之羊在鉏。唯苦始能毛。儕嶠本霸才。彈丸小箕部。流黃舊織綺。結綠新琢瑁。同歲舉南宮。玉堂先拔燾。輕肥漫欣羨。事功庶祈禱。自憐飯不足。艱卯寧望菹。脩塗通都驛。書倉大河漕。但令吾道存。莫作儂歌懊。闌干苜蓿盤。遠勝牛酒犒。何當端章甫。贈賄溯郊勞。

元作

大興朱珪石君

儀禮十七篇。姬孔所教誥。聖人柔萬物。節性義精到。

四言高巨六與作為最

損益兼夏殷。名物辨詔號。執肆非空文。綿蕞在師導。
 雜服體斯安。相瞽縵可操。蘭陵學久廢。高密傳亦耗。
 慶愆雖分門。彥植誰窺奧。昌黎掇奇辭。鸞鍛欣鳩噪。
 豆籩失司存。珠玉毀儒盜。凌君起江南。便腹擇履蹈。
 鈞元有湛深。解紛無慢暴。璇璣摘九重。華離擘四奧。
 自求照水犀。不取箭雲鷲。勾股捷心能。均律晤雅好。
 鑿空恥說騫。障澗勇逾稟。源流會朝宗。疏瀹先溝潦。
 治禮著釋名。尊解析酬報。衍雅七又五。盆瓶逮鐻竈。
 左圖而右書。經緯了不眊。窮年校毫芒。內心平矜躁。
 示我如望羊。學落智已耄。神往緇帷林。服器誰敢冒。

君才北海若。大量挹不傲。忝我一日知。拔尤初進造。
 遠利就冷官。童冠資育燾。自甘蘭華養。肯發蘆鹽悼。
 脩耕卽菑畚。椎髻樂綦縞。君方束圭璋。特達待上
 告。鶴鰣翩來庭。卮酒花映帽。履泰際光輪。駁薦敢
 恡。殊科需董孫。間笙歌湘茗。君才富江慎。修戴東
 震沃壤挾膝部。實學兼華文。羣玉詘珽瑁。同時數金
 殿。撰程孝廉。三舍避鼓纛。丹書東面榮。簪紱北斗禱。
 榜瑤田。何況禮為羅。不見鳳輝菴。桃潭暫迴翔。蓬海易轉漕。
 虎觀定異同。鹿角走驚悞。璧雍石經森。公卿牢禮犒。
 展圖重什襲。長言當勸勞。

儀徵阮元芸臺

周儀治天下。厥功逾誓誥。揖讓升降中。精意靡不到。
 吾友凌經師。無雙齊許號。綿蕞容臺上。不受介紹導。
 既有戴聖學。且持高密操。志氣堅不撼。精力滿無耗。
 弱冠我同遊。許我入堂奧。嚶嚶兩鳥鳴。頗異凡味噪。
 實事必求是。虛聲共恥盜。君之入京師。以禮為履蹈。
 始知士相見。盡化頑與暴。北海一席間。驚譽馳四境。
 惟知抱一經。不願駕雙鷲。宣城冷官舍。校禮志雅好。
 昌黎所苦讀。而君實排纂。經文溯江河。疏義析潢潦。
 得間發一難。皇慶賈公彥不敢報餘情。述周髀。知天

若裨竈重輪引虛綫。測視了無眊。淺儒襲漢學。心力
 每浮躁。豈知后與慶家法。傳衰髦。凌君發禮例。楊復

李如圭不屑胃金輔之程易田及劉端臨盧召弓相

見互不傲。邇來文更雄。魏晉力能造。始歎才之奇。實
 惟天所燾。吾師極重才。愈奇愈憐悼。新詩榮於褒。華
 衮被單綯。制科儻三舉。會見交章告。翹然賁弓車。
 豈徒離席帽。平生學何事。許國敢怙嫪。辟雍仰
 天藻。詎止泮芹莩。吾才陋且小。地褊若膝却。與君素
 投分。又若邸與瑁。同在文公門。籍湜各樹燾。親老修
 天爵。斯言昔所禱。君今潔白養。恩勤慰孚掩。已勝飢

驅時負米比轉漕。手此十七篇。怡然志無憾。天將厚
其後。茲特先韋犒。所以吾師詩。披圖深勸勞。

江陰王蘇儕

儀禮禮本經。詰屈儷盤詰。昌黎與廬陵。欲讀苦未到。
不辨五雅名。徒誌三易號。自從赤光來。勘觀黃流導。
扣槃祇自愚。何瑟孰解操。句讀尚莫分。精神亦虛耗。
九成譌笙鏞。一室昧宦輿。斷簡日以零。長喙嘿不噪。
鈔胥兼勦說。時作青氈盜。蒼茫何休海。疇若魯連蹈。
次仲何鏗鏗。寸晷無棄暴。談天極四遊。括地析九壤。
摘鐸欲問牛。望練驚辨鷺。平視黃李儔。同永鄭賈好。

此作押韻有勝於
篇文以信焉本長
于詩也平滿詩句
無沙白

玉栢出廣川。珠船獲夏稟。學山到板桐。沿流始潢潦。
重補釋名書。匪望稽古報。悅心願覆瓿。阿世恥媚竈。
未遂長頭勤。肯使眸子眊。認取阿堵中。釋盡少年躁。
嗟余不如人。師承乏耆耄。與君爲同年。科第幸一冒。
頗招馬融嫉。敢與孫宏傲。人海八年別。學舍一旦造。
精言渺河漢。至樂賦載燾。不殖久凋落。相見始嗟悼。
日脚難繫繩。弩末怯穿縞。離經吁已遲。發篋祈我告。
就竹共開尊。漉酒時脫帽。便便孰能窺。嶽嶽不暇媯。
苜蓿莫嫌寒。苕菜尙可芼。權真卽越羸。鼎質豈納郛。
聲同霜應鐘。符合圭就帽。長此甘藟鹽。或勝擁牙燾。

蛟龍不必夢。虹玉奚待禱。紛紛說經家。臍膊雞孚拖。
隻手障狂瀾。倒輓滑河漕。卓識折其衷。小巫爽然懊。
不易漆簡文。字莫乘韋犒。酌醴酬斯圖。聊為經神勞。

晨起見庭中鳳仙花大放偶作

女兒花發競芳菲。點綴間庭錦四圍。青靄乍乘紅鶴降。
綠雲齊擁紫鸞飛。當檐露下晨光澹。繞砌風來暑氣微。
入夏繁華猶若此。未妨芍藥殿春歸。

錢氏蒲圻張兆書妻也兆書卒兩子皆殤兆書有
兄前卒其遺孤隨嫂他適錢取歸而子之又取
其母家溺女育之以為婦張氏祀得以不絕朱

石君師為作孝友慈貞詩敬次元韻

夫亡子在不。敢死空巢惻惻哺。兩子兩子既殤巢欲毀。
夫兄遺雛尚。可倚撫孤拯溺將之歸。居吉象得咸其腓。
嘗膽茹蘖恒相依。見者涕洟聞者唏。苦節自荷皇天慈。
追古列女與匹妃。

已未

○已未四月二十八日閱會試題名錄知牛次原諸
人登第喜而酌酒醉後有作

好風吹墮千佛經。巍然上有牛坤名。喜極恐誤再三視。
紙背字字皆崢嶸。徐觀交舊不止此。聯翩大半知名士。

嘉慶己未一科由回
胡得人數度之舉次
句能隨甲戌矣不可
此一詩記之

榜中如史望之鮑雙五吳山尊王伯申張臯聞程春廬
汪薊林馬器之吳春麓白小山諸君或同年或同門或
舊相知識皆一
時名下士也
舉今年收大蘇歐陽佐以梅聖俞
今科會試朱石君師及阮伯元侍郎為總

裁經神學海日點漆鐵網安得遺珊瑚憶昔京華困行
役春明誰識風塵客感君意氣如弟昆下榻南軒共晨

夕貂裘短褐不同調辛苦齏鹽兩年少更有畸士今司
城

胡樹思孝廉今為中城兵馬司副指揮貧賤相依互吟嘯論文下筆不

自休典耐往往登歌樓善和坊裏舊人在且喜看花猶

黑頭便遣長鬚急沽酒升堂奉觴先壽母盤餐旋復召

生徒樂哉此醉良非偶美人遙隔青雲端舉杯北望情

漫漫應知捷步金鼇際也向江南憶冷官

題朱約齋小照

儒說區如菽粟分窮經不解著空文試從南渡論精博
唯有深寧叟似君

讀史有感二首

功名逾量本難居側目師師意自如吳郡漫傳豪士賦
茂陵空上徒薪書通侯就第謹譁日太尉登朝灑浙餘
千古盛衰同轉轂研朱重與玩盈虛

周書會載尹郊文爾有嘉謨入告君亮節果令千古重
直聲何取四方聞叩頭對仗劉栖楚伏闕陳書谷子雲

未必公忠竝槐里敢言世少左將軍

○禮經釋例稿成有作 十二月十七日

校勘丹黃十載餘今朝欣見稿成初漫嫌寂寞青氈冷
慈竹平安好著書

庚申

題黃少眉笈雲圖小照

泰山之顛雲一縷觸石俄看布寰宇偶然攜取入笈中
留待他年作霖雨鍊將仙液成金丹高卧不畏衣裳寒
網緼好應虞庭瑞莫與間雲一例看

周最峰以愛遊圖見寄索題

小別已三載披圖如對君攜將黃海月歸照赭圻雲歌
咏思同賞登臨憶共醺敬亭山下路何日慰離羣

○施明經南歸聞胡樹思卒官京師之信

初聞疑夢復疑真北望燕臺倍愴神誰與青燈憐弱息
可憐白髮泣慈親雄才到此知何用薄宦依然未救貧
賴有故人敦古處不教旅櫬久風塵 聞身後事皆牛
次原為之料理

豪氣如山竟寂然封侯難信是鳶肩驚心去國三千里
回首論交十八年欲踐隻雞思日後幸容雙鯉達生前

書到之日遙知酌酒春明路萬樹桃花叫杜鵑

○雨夜讀張江陵太岳集書後

西風撼牖雨瀟瀟靜展陳編破寂寥嘉祐萬言玉介甫
會昌一品李文饒試尋經畫才原大即論文章氣亦驕
功罪千秋青史在為君滿引醉寒宵

過湯霍林司成故宅 湯霍尹宣城人

幾曲頽垣半畝苔蒼涼石獸沒蒿萊更無甲第連雲起
賸有辛夷作雪開濁世未容滄正論清流豈必拒奇才
請看桃李茄花側都是司成手自栽

後學古詩十首 有序

乾隆乙巳為學古詩二十首今已十六年矣銖積寸
累又漸有所獲於是為後學古詩十首他日倘能勉

其所未至當更有述焉

九章述勾股測天乃其略西法入中國遂有弧三角八
綫立標準方圓更量度邊角互相求分秒無少錯斜正
兼次形得數捷而約日月所運行太虛仰寥廓假以算
經緯不啻掌中握渾蓋泊平儀非此不能作綴術佚已
久弧矢亦高閣禮失求諸野未可遽菲薄汲汲勿菴叟
中西細商榷黍尺塹堵篇千古惠來學

虞喜論歲差莫能言厥故自晉迄前明茫如坐雲霧或
云日道縮臆揣豈足據近知緣恒星每歲自東去所以
冬至宿虞周不同處歷六七十年向右移一度昔賢未

發覆由茲豁然悟妙哉歐羅巴談天憑實數七政同一源驗候了不誤古疏今漸密疇人慎推步

大地本圓形方指厚載德九天包地外樞機惟兩極人物周環列高下始可測溫帶氣和平是在赤道北冬寒而夏暑其下爲中國南北辨緯度昏旦異晷刻東西分經度證之以月蝕半年爲晝夜最易起迴惑相彼簡平儀中維能轉側以極作天頂諦觀心自得周髀有遺書古人固先識

赤道束天腰黃道斜絡之大距廿四度兩交相抱持七政行其上逐度皆東移南北日二至冬夏各有時二分

在交點均由黃道推寒暑進退理平易原非奇仰觀偶指示童稚都可知底事張子厚真心矜寸私妄謂亦左旋致啟儒生疑朱蔡注尚書從而爲之辭斜直本異勢後世胡能欺

日食爲月掩舊說世所解月食因地影新說人其駭不知泰西書中有至理在大地居天中日月相對待太陽光四照大於地數倍閻影落空虛星月爲匿影吾道無不包芻蕘尚須採何況茲說長義和不能改猥云日亢月詎異蠡測海旣匪蝦蟇精詞人復奚罪張衡靈憲文洵足證千載

冷綸造律呂。陰陽各爲六。長短有定數。分寸辨盈縮。五聲及二變。遞居如轉軸。至理匪元虛。淺近類菽粟。茫茫宇宙間。元音無斷續。律準由京房。笛譜自荀勗。豈識聲音妙。絲不等於竹。自從鄭譯後。但襲龜茲曲。誰知十二管。正半不相屬。呂覽黃鐘宮。實應半太簇。鄙生李文利。穿鑿怖流俗。畫餅未可啖。何必說龍肉。

琴之仲呂均。大弇屬下徵。何者以爲宮。仲呂之弇是試。繹姜趙書。端緒猶可指。小間應散聲。十徽與之比。至於第三弇。則下一徽矣。二變隔其中。不齊良有以。考亭辨琴律。胡爲昧斯理。誤謂仲呂角。見譏吳元士。唐人作燕

樂字譜所從起。合字定黃鐘。宮聲不關此。但配十二律。學者多疑似。所以論樂書。恒失古人旨。

琵琶第一弇。與琴七弇同。燕樂高於雅。律本爲夾鐘。今古互岐錯。如墮浮雲中。七商生太簇。其實乃變宮。七宮暨七羽。相應非談空。器數苟相較。清濁寧難窮。實事必求是。冰釋心融融。從橫究累黍。高議成捕風。否則矜算術。第詡乘除工。世無曠與鳩。兩耳何由聰。景仁及君實。辨論無折衷。西山著新書。適足驚羣聾。

字譜有勾字。用配蕤賓聲。尺上闕高低。本屬附會成。譬駢拇枝指。寧足爲重輕。我讀夢溪書。燕樂窺其精。各調

殺聲字。一一言分明。勾字獨不用。隱義已顯。呈何待今俗工。不似協笛笙。間取琴七弦。叩使次第鳴。合四倍徵。羽如物登量。衡方信乙與凡。二變之異名。五降不容彈。勾字何緣生。豈如去此字。樂府榛蕪清。琴不用二變聲故無乙凡二弦

詳見余所著燕樂考原

燕樂無徵聲。其故久失傳。追溯崑崙虛。乃在開皇年。四旦各七音。分屬琵琶。宮商并角羽。二十八調全。後儒昧所自。與義無能宣。政和製徵調。補作何拘牽。不知雅與俗。兩部本判然。賴有耶律史。片語千鈞懸。遼史樂志四旦二十八調。不用黍律。以琵琶叶之。是知俗樂之原。出於琵琶也。琵琶四弦。故但有宮商角羽四調。而無徵調。與雅

孤學雖知希。猶可尋遺編。鬼神告於室。似鑒思之專。禱昧幸晤此。願質唐宋賢。

野望

羸彘行齧艸。鷓鴣立其背。夕陽將放晴。隱隱秋雲內。

校禮堂詩集卷十一

校禮堂詩集卷十二

欽凌廷堪次仲撰

辛酉

黃直民同年以其先人牧原先生蘭心圖索題漫
書一截

石門山下同心客留得當年手種蘭此是鄭公書帶草
尋常休作斷金看

舟中卽事

陵陽先生囊橐羞青蚨千餘買小舟盛暑駕此欲何往
俸滿大府驗去留皖城距郡五百里大江西上行溯流

夜眠曲躬足不展。清晨小坐篷壓頭。風逆撲面苦塵土。
風順烟爨難張眸。風有順逆境靡適。自笑窮者多煩憂。
沿岸打漿日數里。僮僕對我皆怨尤。豈無萬斛足快意。
阻風亦泊菰蘆洲。卽令挂帆破高浪。履險復恐鄰蛟虬。
舴艋雖小尙無患。局促安得辭羈愁。何時歸去茆屋底。
疎簾清簟作卧游。孺人調羹婢煮茗。越州酒進花瓷甌。
慈親含笑坐嘉樹。簾几旁植延年鳩。晚涼浴罷香滿地。
雜卉競發閒庭幽。北窗高詠彭澤句。脩竹壓檻如新秋。
始信在家貧亦樂。何事萬里談封侯。

○答姚姬傳先生

臬比廿載擁名都。言行眞爲士楷模。談藝不譏明七子。
說經兼取宋諸儒。是非原有遺編在。同異何嫌立論殊。
傳得桐城耆舊學。直偕熙甫繼歐蘇。先生論文以歸熙甫上接歐蘇蓋其
鄉方望溪劉才甫之說。

皖上留別會西井明府

昨君小隊來宣城。賤子適有舒州行。今君西返龍山道。
賤子東歸何草草。五年惆悵惜離羣。纔得相逢袂又分。
尊酒未偕張籍醉。謂張君廉船願從東野化爲雲。

泊繁昌舊縣舟甫繫風浪大作戲成小詩

小艇徐依小港邊。落帆剛值浪掀天。遙知鼓棹爭先客。

多少中流未泊船

題邢佺山同年讀書松竹林圖

蘭臺傳儒林乃在循吏前爲治必經術詎曰矯史遷吾
友仇池英作宰淝水邊仕而優則學豈弟羞鷹鷂詩書
澤躬久流露始藹然繪圖以明志仰止貞元賢松風峻
且潔竹雨清而妍展卷再三讀如見其心焉漫叟春陵
行魯山于蔦篇實學敷實政休作詩人傳顧我幼荒落
與君忝同年鉛刀未敢試寂寞依寒瓊獨學無友朋六
籍誰共研何當載酒往相對尋遺編

○辛酉春聞謝崇之公子去秋鄉試捷音兼寄中丞

蘇潭先生

烏衣公子本翩翩十八登科美少年蘇氏文章貽許國
扶陽經術繼韋賢閉門冷署人來罕隔歲秋闈信始傳
料得廣文詩到日已應騎馬曲江邊

程敬持舊及余門今春不遠千餘里自胸山來從
學余甚愧焉頃將應江寧鄉試於其行也詩以
送之兼寄令叔石村

數載吟窗別緒多忽聞脂輦渡關河敢希蕭奮傳經學
深愧侯芭載酒過聽雨三春情尚爾停雲千里夢如何
西風好與寶典燕先取由庚爲子歌

遣悶

藥裏書籤雜沓陳。病中料理苦吟身。詩因降格摹丁卯。籍爲蒐奇校癸辛。池上慈姑青乍坼。庭前益母翠初勻。逐牯日誦孫樵賦。不信花卿句有神。

小游仙詩二十首

少時嘗仿曹唐爲小游仙詩。罕有存者。及出游以來。見作之者甚衆。蓋風尚使然也。秋日病起。倦於治經。與會所至。輒復爲此。聊用自遣而已。大雅君子。勿以效顰視之。

雲笈叢中別有家。懶從金鼎問黃芽。石田種出琅玕樹。

春到能開五色花。

丹竈辛勤不計年。功成謁帝大羅天。升堂授玉陳庭實。總學人間觀禮篇。

天風吹下羽衣聲。知是霓裳散序成。莫向月中尋舊譜。黃鐘都似夾鐘清。

製成仙樂九霄中。周徑乘除講律同。底事飛瓊調玉瑟。誤將下徵認爲宮。

三千弱水不勝舟。卅女童男枉自求。誰信揚塵非異事。如今騎馬到瀛洲。

瓊樓葭瑄本難稽。織女新添繡線齊。不似三千年外景。

羲輪已過斗牛西

天包水土在中間大地如丸四海環繞地昨宵行一匝
何曾海上有三山

河呈圖象洛呈書天府深藏世本無大衍生成風角術
被人偷去詎凡夫

紫府琅函懈究研那知禹貢有山川費他幾許儒生力
俯瞰原來九點煙

辛苦蟠桃鎮日栽學仙本自要仙才靈臺悟出長生訣
不是丹經稗販來

跨虎文簫慧業深雙聲未許鈍根尋彩鸞但寫唐朝韻

怕與凡人論古音

修成雲級一千層要見羣仙自此登底事霧中操畚客
便云白日已飛昇

傳注紛拏鎖白雲仙官編校最殷勤金繩玉版依然在
丹篆何勞證說文

天曹新改秘書郎始信求仙別有方四百金丹全未讀
高持絳節下天閭

拾遺補闕日孳孳半綴陳言半改爲賈鄭分明在天上
向儂皆道不如斯

玲瓏樓殿五雲開欲往先愁風引迴悞卻學仙人不少

校禮堂詩集卷十二
妄將海市當蓬萊

桃源洞口景清幽中有文章萬古留聞道不知曾有漢
况他魏晉與韓歐

元關俯視隙中塵狡獪區區亦可嗔收穀何妨從客便
忍教花外虎驚人

一卷黃庭獻紫虛換鵝誇道永和初神仙但讀龍威策
不解山陰世俗書

飢食青霞飽即眠眞靈下試道心堅祇愁天上多官府
未必天仙勝散仙

晚桂

瀟瀟微雨過重陽叢桂猶看滿樹芳不是小山招隱客
敢隨籬菊傲寒霜

我愛二首

我愛沈寓山雙目如秉炬流俗所是非何足爲勸沮和

仲及正叔持論互鉏鋤檀弓柳莊死公不釋祭服而往
竊謂溫公宜申伊川之論非也

伸洛而紉蜀比黨共推許君獨操至公剛柔不吐茹譏

罵無假借譬諸楊墨距并於所著書特紀元城語始知

折柳諫溫公亦不與

我愛周贛洲一心如懸衡金華唐與政學海馳英聲偶
與晦翁忤遂爲世所輕可憐天台妓何罪遭笞榜此舉

近傾險無乃非人情。賴君齊東篇。時一鳴不平。宋史不立傳。幸有鄉後生。宋景濂有唐仲友補傳一卷見明史藝文志下士耳學多公論何時明。

長興三鷓岡有晉謝太傅墓歲久漸湮邢侗山同

年捐俸葺之并為考見示徵詩漫賦一律

三鷓岡畔草離離。謝傅荒阡尚有基。兒輩將兵能破賊。先生對客自圍碁。川原游子徵遺跡。伏臘邨翁走歲時。不是長興賢令尹。更誰刊石樹豐碑。

壬戌

和杜竹吟刺史元旦卽事

一夜屠蘇酒朝來節序更。賢愚年共長。巧拙宦俱成。雄辯千人屈。狂吟四座驚。他時應記取。餞歲在江城。若以文章論。君宜鶴鷺班。誰令辭賦客。投老簿書閒。稚柳凍難折。瘦梅春可攀。那知如許事。且看敬亭山。

答趙肖巖中書見贈二首

冰壺曾照五羊城。萬里歸來徹骨清。綸綍已推新閣老。齋鹽不改舊儒生。日無餘子文誰敵。胸有千秋論自平。尊酒都忘名輩後。令姪夢得大令與余已酉同年頻來冷署話班荆。

永日丹鉛手自操。此身應為著書勞。不存形跡交逾厚。消盡矜張品最高。藻鑑淵源推重望。文章家世領清曹。

由來經術為時用莫便從容蘊雉膏

元作

涇縣 趙良燾 肖巖

宛陵得似宛邱無學舍如舟屈小蘇聊假冷官充著
述况當 聖代重師儒百篇堆案言宗鄭兩義名齋
法取胡我向鱸堂常問字應憐白髮舊生徒

弱冠曾充弟子員先生誰似腹便便百城富自輸千
卷一夕談真勝十年教士從知無讀律養親奚待試
烹鮮經師兼有人師重風采如臨泰華顛

朱錫章大令以飲中八仙圖屬同人題分得李適
之崔宗之二首

三陂能障洛川深難禦哥奴一寸心幸有醉鄉容托跡
不須惆悵華山金 李適之

扁舟載酒大江濱公子亭亭玉立身采石月明宮錦麗
一時頓有兩仙人 崔宗之

○洪稚存同年自塞外歸主講旌德迂道過宣城見
訪留宿齋中次日邀同趙肖巖中書戴斗垣廣
文洎斗垣令子爾勤孝廉徧游南樓諸勝晚歸
小酌卽席成詩

故人遠自塞外回。臬比講席旌川開。宛陵迂道特相訪。
話舊不惜傾千杯。寒齋下榻再信宿。佳壻佳兒並如玉。

時稚存攜子符孫壻繆柁同至夜深刺刺語不休。跋見風窗椽似燭。南樓詰旦同登臨。約客正好天微陰。道傍觀者堵牆立。噴噴爭看洪翰林。鳳池舍人老詩伯。說經不窮屢奪席。廣文先生兩目昏。斗垣目疾久未愈胸中之奇邁張籍。更有才子方少年。孝廉裘屐何翩翩。槎枒老榦松柏古。忽露一樹春花妍。茲游草草殊不惡。歸來燒豬供晚酌。座間名位半浮沉。放筆猶能撼河嶽。酒酣為我談烏孫。祁連萬木寒雲屯。經過忽憶幼時夢。疑攀北斗登天門。稚存自言幼夢登高峰手攀北斗下瞰萬木如雪及出塞過天山如夢中所見當年共作梁園客。今日看君須鬢白。會當控衛雪中來。豫為留髡儲一石。

戴爾勤孝廉見和鄙作謙下過甚請受業於余固辭不得命仍次前韻奉答兼以志幸

翼輪吳楫往復回。知識都藉良朋開。竭來寒氈坐荒落。有若水置劫堂杯。空山時時夢耆宿。一旦披沙得珠玉。隨侯和氏韞匱中。自有奇光半天燭。吟窗忽覩新詩臨。西鄉遽效韓淮陰。初驚繼愧迷五色。置身如在琪花林。華蓮十丈擎龍伯。促膝談深漸移席。縱教肴饌萃百家。學竟根源歸六籍。昔賢經術垂千年。雲鶴天際翔聯翩。皇蓉或先大聲奏。敦洽詎助陽文妍。寸心不昧知嫩惡。更啟芳樽為君酌。鹿食嘉草呼其羣。捧土頻思益喬嶽。

居恒綿葦笑叔孫古禮高閣疑塵屯願言期子申鄭義
敢詔授受稱專門冠昏燕射及賓客禮例昭然分黑白
遺編倘許共蒐羅從此交情訂金石

和作

葵源 戴揚輝 爾勤

退鷁拍拍燕都回歸帆恰向虹橋開過庭快敘天倫
樂洗塵先捧階前杯急謁鱸堂不俟宿乍坐春風暖
於玉先生看書眼如炬繭絲牛毛靡不燭剝啄忽聞
高軒臨芒鞋共踏青松陰欣識鳳池揆天藻更有容
齋傾士林先生邀同洪稚存趙
肖巖二先生過訪徑師人師見宗伯連
日相招入讌席同來雙璧皆譽髦謂稚存先生
令嗣令婿萍水

如隸金蘭籍談笑敢謂疑忘年竦聽雄辨風翩翩胸
中邱壑未易測舌底蓮華無數妍話到塞外風沙惡
主人呼酒重爲酌但覺富貴如煙雲焉用聲名重華
嶽今朝錦句擲天孫鏗鏗便已開蒙屯憐才憐到不
才者始信廣大真法門到來幸列座間客會立程門
看雪白願得將軍巧妙傳何當一矢射沒石

○題吳復齋夢遊僧寺悟前生圖

才人慧業應成佛名士前身半是僧夢裏依稀尋舊境
萬松深處一龕燈

李營甫司馬招飲卽席

佐郡清如水開尊酌冷官脩篁依戶淨古樹映窗寒待
士情懷摯留賓禮數寬敬亭山色好日向畫中看

校禮堂詩集卷十二

校禮堂詩集卷十三

欽凌廷堪次仲撰

癸亥

宛陵晤蔣希裴并追憶令兄竹史同年

甲第高江左翩翩正少年鳳毛欣拔俗馬齒愧居先厲
志酬當世論文朔昔賢因君仍感舊惆悵薊門煙

。題瞿萇生柁庭讀禮圖二首

威儀與性共纏綿一度披圖一肅然既葬未妨尋祭禮
特性篇後少牢篇

道學儒林轍本乖淹中一卷久塵埋禮堂別有千秋業

授受還應異勉齋

葛生爲辛相先
生令塔故云

宿西河鎮蚊多不能成寐戲作

黃昏行役僕夫闕近市叢祠聊解鞚東廊湫隘溽且炎
熱氣蒸人如入囊紙窗破碎土壁朽夜半星光忽穿棟
飢蟻百萬聚成雷斗帳不禁長喙衆羣飛雜逐聒耳煩
飽食恣睢齧膚痛終宵輾轉到五更栩栩何曾得成夢
禦此侵陵乏良策舉掌頻揮或偶中一蟲擊殺萬蟲來
扇之暫開仍復壅乃知卑濕生此物感召相因如植種
栽將藤蔓引虺蛇養得梧桐致鸞鳳况兼僮豎懶拂拭
向晚垂帷留罅縫先時木自欠綢繆兩手雖忙究何用

若將此室加爽塏治病尋源知所重不然未睡豫驅除
尚可逍遙便吟諷熟眠一夜亦偶然上池未飲誰能洞
天明就道頻欠伸俯仰隨人時自訟疎簾清簟正安閒
細帙徐開靜中誦無端檄下令走趨闔闔沿門任嘲弄
風中棲息雨中餐隻候迎人雙候送旁觀倚羨此游樂
風味不妨來一共

詠道旁烏柏樹

烏柏婆娑解耐寒一經霜信便成丹卽今未到清秋節
都作尋常野樹看

寄張季和

兩載京華別夢新如君屈指更誰倫詩篇大定劉無黨
書法開元蔡有鄰都說西京能作賦况逢東閣正延賓
花甌視草非難事休憶秋風八月蓴

○錢辛楣先生以壬戌四月二十六日重游泮宮詩

寄示命和次韻

鸞旂彷彿認當年魯殿靈光尙巋然芹過長庚重照後

花思周甲再開前西京博士應攜手東武司空待比肩

此去南宮剛一紀先生以甲戌登第瓊林春燕酒如川

壬戌四月廿有六日重游泮宮賦贈新先輩因追

懷西莊光祿 嘉定 錢大昕 竹汀

壬戌重逢采藻年恒河照鬢忽皤然莘莘俎豆今猶

昔濟濟淵騫後勝前三不朽間當立腳四先生往孰

差肩磨牛陳迹重增感寂莫柴門鎖朝川

方穀存書來以二詩見懷索鈔鄙著甚殷且云有

重錢通雅之舉奉答二首穀存密之先生五世

孫也

忽枉新詩至如逢舊雨來山川千里隔懷抱一時開著

述誠何補文章愧不才他時能寫定就質皖江隈

方氏推儒術浮山識最深試觀通雅學不讓顧亭林校

勘鄉賢事 胡維君張侍喬並有通雅校本流傳後嗣心吳門有新刻賣

徧大江溇

蘇州重刻通雅已盛行於時

讀崔實政論作

崔生論政意深長柔道從來運以剛郊壘執戈無度尙
廟門持戟有任章太倉鼠雀方間暇巨海鯨鯢久陸梁
守令金多爭入粟漢家何日塞宣房

張季和以尊甫柏園先生西阪草堂圖屬題漫賦

一律

扁舟嶺表載書還料理吟編日掩關試問東坡田二頃
何如西阪屋三間詩人句好緣耽隱循吏情深總愛山
生晚無由親撰杖卻從圖畫想清顏

朱學坡庶常之母未婚守志介陳鳳石同年來徵

詩應以二截句

震川曾著論貞篇秀水蕭山見亦然我道禮文緣義起
試將詩句質前賢

撫得孤兒受

國恩

朝廷特詔許旌門凌寒百尺貞松在好藉春暉蔭子孫

題張鞠園太守揚子飽帆圖

飽帆曾紀過中冷今日于湖見使星

時權蕪湖道

大抵偉人

多好士由來循吏必通經相逢雖晚頭猶黑禮數都忘

眼倍青笑我攜琴歸自鼓還從流水寄芳馨

題許節婦齋餘草 名燕珍 二首

新篇讀罷漏遲遲想見青燈白髮時
喚作齋餘應有意深閨知不儘吟詩

選韻修辭識苦甘才名久徧大江南
前人可作誰堪擬流水棲鴉紀阿男

題楊健齋明經詩卷二首

懷古登臨寄一編客游初放渡江船
多君三十才如海不減他山賦慎旃

健齋海寧人故以初白擬之

明珠編就玉穿成才自華腴氣自清
仿佛成連琴作鼓

絲桐中挾海濤聲

答方象三

皖上衣冠奕葉新勳名輝映學深醇
聲華世仰先朝彥風度君真後起人
會見天邊翔鸞鷲何嘗地上走騏驎
清詩惠我難為報好取瑤牋什襲珍

涉江何處采芙蓉無限相思隔遠峰
適性未妨從所好滑疑聊復寓諸庸
青氈自補蘭華詠黃卷寧羞苜蓿供
多謝良朋相勸勉閉門新護手栽松

題蒲快亭同年出塞圖

虬鬚猿臂氣昂藏雄劍歸來夜有光
莫笑一羶棲短褐

曾瞻

萬乘獵長楊穹廬記醉杯中月袴褶猶沾塞上霜我亦

狻羆秋度幕舊游回首意茫茫

癸丑秋從韓城師客灤陽

蒲快亭施雪帆以小集北樓詩見示戲柬

飛梯真見倚雲垂太守乘閒酌舊知紅燭漫論千古事

青山猶似六朝時未妨促膝聯吟榻更喜掀髯對酒卮

前度勝游今不與

秋間偕稚存同年飲此

閉門空和北樓詩

癸亥十二月梅花大開偶作

愆陽未散温風作滿院寒梅破紅萼壓枝爛漫開且繁

未春已見紛紛落裊裘有客花下行蠖蠓撲面蠹作聲

天心仁愛不肅殺竊恐萬物無由成

甲子

吳之水騎尉新構書室成屬作詩落之率賦二截

數椽小築枕溪流三面晴窗宛似舟緩帶輕裘文譙罷

未妨犒士更椎牛

名園野竹景全分况有階前樹拂雲解畫猗蘭香滿室

勝他金碧李將軍

次韻牛次原戶部庚申初秋湘江舟中見憶二首

獻策薊門道與君皆少年花宵文共賞雨夜燭同然澹

骨情原摯盟心意更虔循咳今可樂未敢說遊燕

匹馬十年別雙魚千里情書來宛溪水人隔岳陽城勲

業期同學飢寒負此生相思吟好句空憶鷓鴣聲次原寄來

沙河舟行近作有楊柳曉煙千
萬樹鷓鴣春兩雨三聲之句

元作

天津牛 坤 次原

仲子別吾去於今已八年天涯一回首日暮更蒼然

捧檄思毛義窮官類鄭虔從容尊酒會何日到幽燕

日夜望江水烟波無限情所思在何許不見謝宣城

學業兼師友心交訂死生故人相念意寄此別離聲

寄祝座主韓城公八十生日四首時以宮傳
致仕里居

四十餘年侍

玉宸東門祖帳話猶新皋夔竟享林泉福園綺嘗為社

稷臣想見丹忱依

北闕遙瞻紫氣滿西秦太平盛事真希有宰相歸來慶

八旬

兩朝霖雨潤蒼生畫錦堂開待老成韓愈文名唐北斗

桓榮經術漢東京人推舊學應知止

帝賦新詩為送行親捧瓊鳩

恩似海壽星雙映日華明

風規不讓曲江賢貴幸當時亦凜然但以經綸酬

聖主肯將花木記平泉主朝自有千秋業附郭都無二

頃田仙佛素知公所斥祝公唯誦九如篇

曾依函丈客灤陽瞬息星霜十載強常許事功須學問
每從器識論文章循咳已作中軍鶴介壽空餘博士羊
曠典殊榮言不盡略標大節寄稱觴

○次吳石臣進士見贈二首元韻

昔我廢學時年已十有五服賈鮮財貨為工乏規矩逾
冠乃發憤寸縷思汲古尼父訂禮經在田德施普說者
惟康成餘子敢繼武孜孜考名物勤勤述訓詁慶戴海
先河孔賈禰紹祖賤子不自量鑽研忘椎魯恒執筵撞
鐘謬希軸折羽特豕酒三獻側尊醴一甌析例別異同

各使歸其伍幸漑先哲餘冀為來學輔燈窗兩案間誰
憐鉛槧苦一瓊守冷官窮年竟何補詎盜處士聲差里

碩人僕君家本世學石臣從祖東璧先生著有儀禮章句妄過雷門鼓自

就東西階寧分南北部惟慚守遺編不翅耕瘠土豈期
文章雄於茲尙有取知己良獨難寶爵為君舞

制禮貴中庸道在無偏倚後儒賢知過遂失聖人旨附
會二氏言母乃類枝指未幾門戶分一非復一是平地

畫深谷坦塗出岐軌仁義禮之質復性在踐履奈何談
空虛新義日填委蘭陵既力排河汾亦深毀自非夔一

足遑辨臧三耳紛紛七百年屢闕牀下蠹西河生君鄉

發曠由此始。輔車仗德清。將伯呼秀水。唯禮及天象。非其所長矣。持論或過中。矯枉非示詭。君才富韓蘇。當代固罕比。胡爲逐流俗。羣言惑朱紫。來詩力詆西河毛氏愛而知其惡。憎而知其美。窮經破成見。庶幾患中弭。入主出則奴。生平用爲恥。但讀十七篇。不非十二子。

○方茶山同年以比部郎出守江西。迂道宣州。過訪

是晚飲魯子山太守署中。次日招同吳石臣進

士戴斗垣。廣文小集學齋。卽席成詩。兼以誌別

廿載交親兩鬢絲。

時茶山鬢髮皆半白

一尊官閣又同持。都忘學術添新得。尙覺疎狂似舊時。送酒可懷陶靖節。登樓應

憶庾元規。世間多少宣明面。說與寒氈總不知。

甲子重陽前後。屢有持蠖之會。座中施雪帆。戴蓮

塘吳石臣。戴斗垣諸君。疊韻倡酬。索和甚亟。勉

成長句

陵陽先生卧鄉校。剝啄到門驚夢覺。啟扉纔見意欣欣。入座旋聞談稍稍。腐儒不用市盤餐。白酒在筍魚在罍。已看紫蠚八跪持。寧惜黃花一枝拗。陶然那復顧二豪。益者何期得三樂。憶昨兩度陪高會。鴻辨不同簫鼓鬧。邵公奪席誇學海。仁裕登筵詔詩窖。精如大將練士卒。典似明廷策秀孝。言飛玉屑唾成珠。况雜元風兼象教。

羣公高唱矜捷才繼起千篇愈騰越雅知鷹隼出風塵
幾見騏驎困泥淖奏刀真足渺全牛執管誰甘窺半豹
自憐曹鄴不成邦勅敵當前多屈撓強思酬和代娛賓
矢枉仍愁壺更哨爭雄競勝後莫支險韻已窮難與較
縱令展轉索枯腸未必寒灰豆重爆無端問道別出奇
拔戟還求尺寸效由來趨易本避難浪說傳神不在貌
長吟擬倩雨爲催秋深不見雲起礮他時有興倘重來
訪戴休迴剡溪棹

次韻魯子山太守西華紀事詩四首

櫓槍倏見墜高天虞詡威行作今年滋蔓敢貽他日患

徙薪寧獨此城全矛頭夜下徵兵檄看鼻朝成紀事篇
屈指論功開幕府懸知綠水有紅蓮

齊辨嚴裝礪短兵銜枚疾走不聞聲身先士卒三軍奮
面縛渠魁百里驚奏上

朝端膺懋賞歸來閭左見歡迎旁觀莫訝成功速大勇
原從集義生

橐韃袴褶氣豪雄猿臂能開八石弓官舍懸魚清似水
賊濠驅馬捷於風烟消野戍遙山碧霧散荒屯落照紅
遮道攀轅留不住又攜琴鶴向江東

經綸小試志初酬談笑能抒父老愁白刃雷霆宵霍霍

青燐風雨晝啾啾安良自必先除莠決勝由來在運籌
料得柳陂南畝上少年無復佩黃牛

題同年陳子犀比部借書圖二首

一鷓風雨夜窗虛胸次居然萬卷儲滇徼山川彭蠡月
使車應證借時書

自憐學舍小如舟寂莫何人載酒游猶記劍南詩句好
異書渾似借荊州

○周石落明府以其六世祖忠毅公玉印見示并索
題句敬賦一章印刻季侯二字公名宗健季侯
其字也

崑山之精方一寸云是吳江舊時印摩挲故物二百年
想見稜稜圭角峻堅貞在性不可磨嶺外坐閱風霜多
交孫輾轉偶購得疑有鬼物長攜呵當年詔獄六君子
三木囊頭後先死此時此印尙隨身碧血淋漓土花紫
有明神廟之末黨禍成朝端水火交相爭茄花未紅委
鬼伏是非邪正無由明先生數與東林異擊闖乾坤同
正氣至今一印歸然存何慚高邑鐵如意天子方寵山
陽君牢脩監子何足云陽球不辦殺曹節三君八顧徒
紛紛嗚呼先生一死真磊落耿耿丹心照河嶽西州不
慕皇甫規北寺甘爲范孟博可憐彪虎諸僉人纍纍若

若皆灰塵如斗黃金亦閒事請看片石重千鈞

題汪鑑亭太守小照二首

松風忽作瀉時聲猶記連雲叱馭行我愛梁州貧太守
大瓢分得漢江清

蕭蕭脩竹暎流泉把卷臨風意澹然留得圖中馴鹿在
他時應與鶴同傳

題戴斗垣漑菊圖二首

三徑寒花自可娛况兼脩竹竝高孤他年誰續清河舫
記取先生漑菊圖

東籬寂莫獨行吟老圃蒼苔一寸深莫笑冷官貧太甚

秋來滿地盡黃金

校禮堂詩集卷十三

校禮堂詩集

卷十三

十一

校禮堂詩集卷十四

欽凌廷堪次仲撰

戊辰

戊辰三月晦日雪

信是山城氣候違坐看春盡凜寒威綠槐遮戶裏仍擁
紅藥翻階雪正飛塞上昔聞傳自久江干今事見應稀
曉來把酒登樓望紛漬遙山碧四圍

卽事

穀雨纔過未浹旬果然淺夏勝深春飛花千點爛於錦
新筍數枝長比人覓句有時樵鐵體逃禪無意證金身

睡餘試領閒中味靜聽風泉響澗濱

月夜卽事

四卷纖雲淨碧空涓涓涼露濕疎桐鳴琴幽澗泉初落
積水虛庭月正中前事漫縈西去燕後期猶盼北來鴻
夜深不寐真無俚自起移牀就好風

麗仲出十年前所畫小照見示漫書

騏驎墮地時已有萬里心豫章始盈握其氣含千尋良
金必鍛鍊然後可成器良士必苦心然後可立志馬不
受羈勒不能遵康莊木不經斧斤不能爲棟梁勲業塞
宇宙要自勤學始古今多事變不出經與史韜晦復韜
晦莫負美少年會使七尺軀他日圖凌煙

題畫冊因憶舊遊二首

綠楊門巷正春晴鑾水盈盈徹底清夾岸亂紅三十里
桃花時節過新城

青山缺處幾人家。槿戶茅檐靜不譁恰似宛陵城外見
東風一路野梅花

聞戴爾勤南宮捷音詩以寄之

相依七載水雲鄉猶記陵陽舊草堂每向沈潛覘學術
更從器識論文章自饒東觀千秋業敢說南豐一瓣香
料得曲江春燕日少年爭羨杜黃裳

深渡去飲南六十里乾隆庚子偕先兄及大姪扶
先君子柩歸葬次年正月由浙往揚泊舟於此
風景尚依依如昨也

當年負土發黔江豪氣如山未易降屈指青燈三十載
依然襍被宿船牕

○威坪卽挈源洞在淳安北六十五里韓蘄王擒方
臘處也

扁舟過威坪棧棹躡蒼岫在昔韓將軍於此縛囚獸逮
至南渡初平盜績屢奏腐生昧古今苦將和議詎不知
蘄與鄂功在殄羣寇及與金師遇奔潰不敢鬪鄱陽考

兵制誰與細研究三復對遺編用諗免園陋

○桐廬

東下嚴陵瀨青山兩岸疎微風張葦席細雨過桐廬遠
浦看飛鳥輕舸喚賣魚白雲紅樹裏最好早秋初

○將到杭州作

故人開府越江邊折簡相招此放船都忘雲泥長揖下
卻思風雨短檠前頭顱老大方重聚骨肉凋零已數年
早晚明湖秋萬頃登樓應羨水如天

舟中坐雨

浙瀝聲將暮篷窗擁被眠客憎窮日雨山愛富春烟境

定非關懶心空不悟禪賦詩聊遣興時拂衍波牋

秋分日渡浙江作

萬頃秋江四望開乘潮擊楫渡江來
正當玉宇初三夜纔看銀山第一回
紅樹尚遮錢氏壘青山遙指越王臺
此行會見長鯨縛信有人間出眾才

舟中卽事二首

八尺烏篷雙槳輕暮雲疎處夕陽明
迎人好景皆圖畫不負山陰道上行

東浦沿門挂酒旗人家夾岸屋參差
羨他一水清如許醞釀寰區不自知

姚江篇

六經日月光中天家法端賴儒林賢
王何以來弊漸出稍有異論違師傅
翻新好奇宋所尚竟以二氏參遺編
援儒入釋始關洛理窟時執曹溪禪
晦翁無極本丹訣貫通佛老尤融圓
龔其精微詆其跡面目雖變心神專
語錄日增經術廢漢唐舊說成飛煙
元明不復根傳注耳目蔽錮垂千年
陽明學亦考亭學竊鈎竊國何譏焉
至今兩派互相詬稽之往訓皆茫然
本天本心苦爭辨潢潦烏足言通川
著書往往自希聖無端白日生狂顛
唯於大學知復古隻手獨探驪珠淵
恪遵聖言不改竄

特識遠出徽公前。由此一端足。俎豆可與鄭孔相。後先
譬之葑菲或節取。不妨餘事皆棄捐。至於傳習衲子語。
淺陋何足容鑽研。整菴入佛復攻佛。枉費心力爭蹄筌。
平生不識朱與陸。今秋偶放明州船。舟中莊誦小戴記。
弭節自賦姚江篇。

○鄞城秋感

力戰東南未罷兵。翁洲烽火照嚴城。窗前曉日羣鴉散。
枕上秋潮萬馬驚。叢桂乍添霜後色。高梧時作雨來聲。
遙聞諸帥傳飛檄。屢報鯨波旦夕平。

夜渡曹娥江

乘月中宵過上虞。青山無限映冰壺。諸天都入光明界。
大地新懸寶色珠。廿載壯遊前可數。一時清景後難摹。
扁舟竟夕難成寐。聊借微吟當畫圖。

游南鎮廟道逢芸臺中丞騶從口占

松陰徒步避軒車。遮道鳴騶曉日餘。此際相逢真下馬。
始知古語未全虛。

南鎮廟

東南一柱峙遙天。夏后遺踪此尙傳。禮視三公名最古。
州分四鎮位居先。千秋弓劍徘徊處。萬國衣冠會計年。
莫訝隨刊無故蹟。其山猶載職方篇。

過蕭山

千古精言萃考亭竟將二氏入遺經姚江也是濂溪派
認取蕭山萬疊青

○歸舟偶作

扁舟新自甬江還海色天容指顧間我比大蘇加一等
此行曾看浙東山

戊辰十二月十九日雪後登小金山其地去淳安
十里有汪氏始祖墓墓前石刻書乾隆己巳稠
墅汪氏重修其記稱漢中平間龍驤將軍守會
稽汪文和深以為訝同游者云是漢時歙州刺

此似頌如河太遠

史見汪氏家譜當必有據戲拈一截示之

歙州建置始開皇刺史何緣漢已彰請讀晉書王濬傳
中平安得有龍驤

已巳

紙鳶戲和陳桂堂

刻楮為鳶世競知聊將文采付兒嬉修吭吸露原非傲
瘦骨凌雲亦自奇蠟鳳未妨同宛轉木雞偶與共追隨
此身一葉輕如許恐被腰纏太守嗤

題阮梅叔珠湖漁隱圖

碧波滑笏浣蓑衣月夜明珠照讀歸聞道北湖漁隱日

淮南草木借光輝

題韓錦仙課經圖

晴窗春晝日遲遲萬綠爭扶玉一枝會見百花頭上發
莫忘深柳課經時

寄張褰伯

褰伯從余學於寧國學署十有一載質疑問難晨夕
相得丙寅余以魯子山太守之招主講敬亭復相聚
處時余年屆五十以有母憂不受慶祝而褰伯賦五
言古一章見贈余甚喜其持論堅守余說次年正月
別後倏將三載矣茲自杭歸檢理舊稿擬於秋後北

上見其雜古文并所贈詩恍如晤對爰作此答之以
誌相思兼廣其志卽以當書札云爾

憶昔在宣州光景如目前旃蒙單閼歲始充博士員宣
州文物邦閭閻競誦絃學舍依陵陽桃李春爭妍張生
褰伯來執摯禮尤虔云奉嚴君命負笈來周旋藉我爲
師資晨夕相摩研我初不禮辭竟如生有緣稟性春潭
靜識解明鏡懸舉一可反三善問如攻堅羣情羨軒冕
奔走如附羶吾子慕實學守拙如摩磚獵經並漁古一
一尋蹄筌輿地欲證今推步求割圓羣經有釋禮語孟
兼釋天古樂成圖說翻音稽叔然尤好禮經學三校十

七篇羅列諸家本。點勘勤丹鉛。且欲事圖考。經注重疏
 詮。餘力及梅詩。譜成擬撰箋。讀書得條貫。功因鐵硯穿。
 我於壬戌冬。擁被忽不眠。為學譬拙井。一旦忽及泉。探
 源星宿海。因思障百川。乃歎宋儒理。均是釋氏禪。事理
 並稱之。體用對舉焉。顯將衲子語。學者久相沿。孰知聖
 人教。其道無倚偏。禮則小大由。譬如輕重權。持循實有
 準。中庸德乃全。安用索空虛。登岸渺無邊。惟子聞茲論。
 服膺則拳拳。謂是六經奧。久失辨香傳。立議宗先聖。旁
 徵及後賢。經與史子集。細大總不捐。如李穆堂原教。趙鹿泉中庸總論之類。悉為採入。兼以吾所述。合為約禮編。聖道真面目。庶幾廬

山巔。儒家此書行。其論彌坤乾。佛老支離說。不攻自可
 痊。豈同講學流。徒拾人唾涎。敬亭山色佳。宛句相澄鮮。

聚首十載餘。師弟情綿綿。曲肱爾祖亭。長溪可力叩。黃山

谷集有題宛陵張待舉曲肱亭詩。乃娶伯二十世祖也。伊尊人永祿上舍。欲遵先志。重建于長溪村側。藏書以課子孫。請約余文為記。余善其志。許之不識。異日亭與文均能成否。四海我為家。何時受

一廬。丁卯春之初。宣州重言還。送別城南門。揮涕且留

連。時惟子與陳生綱甫一別歷三春。觸境情相牽。去秋甬東行。烽

煙鼓鼓填。阮芸臺中丞在寧波督勦洋匪朱濱蔡牽余赴其幕中時阿制臺并五嶺臺會登

天一閣。圖書世澤延。茲復西湖回。良友歸嬋娟。去冬阮中丞為

余生子計。曾贈一姬。字韓芳。秋末京華遊。青雲擬著鞭。今四月中攜歸。擬秋後北上。

日將與子遠。後會知何年。夙審得修綆。與古爭後先。三復贈我詩。尤探驪珠淵。知己信難得。撫躬應自憐。子年富且強。吾衰膂力愆。努力勤就將。吾道誰仔肩。著述洵可樂。千古惟陶甄。事功亦共期。良馬寧終遭。寄言素心人。學術貴精專。雲山千百重。相思子勉旃。

元作

宣城 張其錦 裴伯

大哉夫子學。獨啟不傳祕。緒論嘗側聞。請述證同異。聖道燦六經。以禮為實事。本從仁義生。曲防寓深思。三百復三千。一一為布置。賢哲資適從。愚柔亦勉至。中庸善欲明。大學知先致。中庸貴誠身。大學重誠意。

卽此為知行。五常信與智。卓犖觀羣書。聖道本平易。孔子吾道宗。出類又拔萃。顏淵才庶幾。改過曾不貳。博文必約禮。教學遠垂示。周末大義乖。諸子爭旗幟。孟荀二大儒。微言賴弗墜。性惡孟子非。性善荀卿偽。著論各有殊。蹈禮總不二。漢儒起燼餘。家法醇而肆。守闕迄抱殘。彬彬敦古誼。卓哉鄭康成。括囊無遺議。百家入陶鎔。六藝獲整次。綿延及隋唐。此道人猶識。或以故訓求。或以典章肄。達磨從西來。教不立文字。妙悟矜聰明。佛法愈橫恣。吾儒識不宏。見之反心悸。翻覺吾道粗。遜彼教深邃。羣然共憂之。竊取自推比。

妄謂本幽深。後儒不克嗣。幸將糟粕存。轉令菁華棄。
強附說聖經。空理乃昌熾。婺源朱晦菴。學富才天昇。
格致以爲宗。誠敬所自遂。金溪陸子靜。聰穎絕倫類。
獨主尊德性。外學蒙譏刺。朱學元已行。陸學狂明季。
禪有南北宗。吾儒可取譬。後人論異同。好惡分軒輊。
孰識亡羊均。學庸禮之記。元妙以釋經。皆爲聖道累。
悠悠七百年。禪義爲經義。國朝古學昌。亭林乃鼓吹。
推步有勿菴。中西理兼備。東樵說周易。易圖難雜廁。
百詩考古文。疏證論不陂。最後惠戴興。學者多翹企。
吾師起新安。學貫天人地。兼有諸儒長。精博復純。

粹以禮作紀綱。道尤可該器。海內數眞儒。儔輩咸推避。
十載陵陽鐸。冷官遠祿利。吾黨斐然裁。華潔孝不匱。
著書稱滿家。釋例托夙志。賤子昔受經。於禮有篤嗜。
今茲明誠堂。猶聞詔辟呬。日日坐春風。束躬慙附驥。
硜硜守一經。志空存攬轡。側見吾師心。臨深同惴惴。
鄙謂勿庸憂。立德自天庇。少忍以待之。不爽有報施。
九如篇可歌。三多吉自值。守大在守身。况乃道攸寄。
虎觀訂羣經。佇看弓旌賁。道德黜元虛。實義復洙泗。
樸學與華文。天下咸衣被。賤子祝經神。祇此日希冀。

○贈種花汪叟

汪伯玉司馬裔孫也住太函山

太函碑版照四裔。文采風流及子孫。種樹百年留別業。評花竟日掩間門。貧惟適興耽詩筆。老尚多情戀酒尊。辛苦灌園常抱甕。怕將機事向人論。

次仲詩律清美。筆下有名雋之氣。其中時有名論。足以改正。後

史此詩可貴也。辛未八月十九日風雨中重讀。一時再入京師。距

辛酉時一化矣。忘伯書于鐵門邸信。

校禮堂詩集卷十四



